

海豐吳氏石蓮盦彙刻九金人集

遺山集



第三六冊

遺山先生集卷第三十七

元張德輝頤齋類

後學張穆頤洲校梓

齊東野語

香齋

香齋

序引

張仲經詩集序

仲經出龍山貴族少日隨宦濟南從名士劉少宣問學客居永寧永寧有趙宜之辛敬之劉景玄其人皆天下之選而仲經師友之故蚤以詩文見稱及子官西南仲經偕杜仲梁麻信之高信卿康仲寧摯家就子內鄉時劉內翰光甫方解鄧州倅日得相從文字間仲經之所成就又非洛西時比矣北渡後薄游東平謁先行臺嚴公一見卽被賞識待以師賓之禮授館於長清之別墅積十餘年得致力文史以詩爲專門之學此其出處之大畧也今觀其詩永寧王趙幽居云寒盡

遺山先生集

卷三十七

陽泉山莊

陰匡草有芽行稍殘雪墮冰花號空老木風纔定倒影荒山日又斜天地悠悠常作客干戈擾擾漫思家煙邨寂寞無人語獨倚寒藤數莫鴉其落筆不凡類如此及來內鄉嘗阻雨板橋張主簿草堂同賦浙江觀漲詩仲經云一雨天地來濤聲賦清曉光甫大加賞歎以爲有前人風調是年出居縣西南白鹿原名所居爲行齋取素貧賤行貧賤之義行齋之南有菊水湍流噴薄景氣古澹陽厓回抱綠莎盈尺臘月紅梅盛開諸公藉草而坐嘉肴旨酒嘯咏彌日仲經有詩云寒客遠峯猶帶雪煖私幽圃已多花仲梁雖有煖散春泉百汨流之句亦自以爲不及也其餘如次韻見及云長松偃蹇千年物病鶴摧頽萬里心春思云一春常作客連日苦多風野樹淒迷綠簷花暗澹紅愁隨詩卷積囊與酒樽空巢燕如相識

頻來草舍中書事云故國三年夢新愁兩鬢蓬淚從南望盡
途自北來窮破牖蠅烘日枯稍鶻愛風帳然搔白首遠目過
歸鴻贈員善卿云詩材雖滿腹家具少於車珍珠泉感舊云
紅槿有情依壞砌綠莎隨意上寒廳秋興云壞壁黏蝸艱國
步荒池漂蟻失軍容秋日云寒花矜晚色病葉怯秋聲憶永
寧舊游寄魏內翰云上閣寺高迎翠游家樓小簇春紅獨
腳云洛岸瀟瀟雨送春老愛青山悟靜綠問路前邨犬吠人
病枕偏宜夜雨聲林深鹿近人年衰與杖宜雲出祗園雨亦
香又如風琴一首同軍謠四首清明日陪諸公讌集東園一
首病中一首移居學東坡八首再到方山絕句書陶詩後集
句往往傳在人口內相文獻楊公有言文章天地中和之氣
太過爲荒唐不及爲滅裂仲經所得雍容和緩道所欲言者
遺山先生集 卷三十七 二 陽泉山莊

而止其亦得中和之氣者歟爲人資稟樂易恬於進取進退
容止皆有蘊藉可觀與人交重然諾敦分義終始可以保任
使之束帶立朝當言責之重豈得輕負所學忘禮諫之義乎
憂世既切惠養是其所長趙張三王鈞距之吏奮髯抵几晝
羞俊使保其羞而不爲至於德讓君子之風良有望焉自丙
午以後參幕府軍事當賢侯擁篲之敬得寸行寸謂當見之
一日未一試而病不起矣其孤夢符持橋軒詩集求子編次
感念平昔不覺出涕因題其後嗚呼有言可述學者之能事
有子可傳人道之大本吾仲經言可述矣子可傳矣顧雖齋
志下泉其亦可以少慰矣夫甲寅冬至日詩友河東元某裕
之題

貞祐南渡後詩學爲盛洛西辛敬之淄川楊叔能太原李長源龍坊雷伯威北平王子正之等不啻十數人稱號專門諸人中其死生於詩者汝海楊飛卿一人而已李內翰欽叔工篇翰而飛卿從之游初得樹古葉黃早僧閒頭白遲之句大爲欽叔所推謝從是游道日廣而學亦大進客居東平將二十有詩述二十首號陶然集所賦青梅瑞蓮解聲雪意或多至十餘首其立之之卓鑽之之堅得之之難積之之多乃如此此其所以爲貴也歎歲庚戌東平好事者求此集刊布之飛卿每作詩必以示子相去千餘里亦以見寄其所得子亦頗能知之飛卿於海內詩人獨以子爲知己故以集引見託或病吾飛卿追琢功夫太過者子釋之曰詩之極致可以動天地感鬼神故傳之師本之經真積之力久而有不能遺山先生集

卷三十七

三

陽泉山莊

復古者自匪我愆期子無良媒自伯之東首如飛蓬愛而不見搔首踟躕既見復關載笑載言之什觀之皆以小夫賤婦滿心而發肆口而成見取於采詩之官而聖人刪詩亦不敢盡廢後世雖傳之師本之經真積力久而不能至焉者何古今難易不相侔之如是耶蓋秦以前民俗醇厚去先王之澤未遠質勝則野故肆口成文不害爲合理使今世小夫賤婦滿心而發肆口而成適足以污簡牘尙可辱采詩官之求取邪故文字以來詩爲難魏晉以來復古爲難唐以來合規矩準繩尤難夫因事以陳辭辭不迫切而意獨至初不爲難後世以不得不難爲難耳古律歌行篇章操引吟咏謳謠詞調怨嘆詩之目旣廣而評詩詩品詩說詩式亦不可勝讀大概以脫棄凡近燥雪塵翳驅駕聲勢破碎陣敵囚鎖怪變軒豁

幽秘籠絡今古移奪造化爲工鈍滯僻澀淺露浮躁狂縱淫靡詭誕瑣碎陳腐爲病毫髮無遺恨老去漸於詩律細佳句法如何新詩改罷自長吟語不驚人死不休杜少陵語也好句似仙堪換骨陳言如賊莫經心辭許昌語也乾坤有清氣散入詩人脾千人萬人中一人兩人知貫休師語也看似尋常取奇崛成如容易卻艱難半山翁語也詩律傷嚴近寡恩唐子西語也子西又言吾於它文不至窘澀惟作詩極艱苦悲吟叅日僅自成篇初讀時未見可善處姑置之後數日取讀便覺瑕釁百出輒復悲吟叅日反復改定比之前作稍有加焉後數日復取讀疵病復出凡如此數四乃敢示人然終不能工李賀母謂賀必欲嘔出心乃已非過論也今就子美而下論之後世果以詩爲專門之學求追配古人欲不死生遺山先生集

卷三十七

四

陽泉山莊

於詩其可已乎雖然方外之學有爲道日損之說又有學至於無學之說詩家亦有之子美夔州以後樂天香山以後東坡海南以後皆不煩繩削而自合非技進於道者能之乎詩家所以異於方外者渠輩談道不在文字不離文字詩家聖處不離文字不在文字唐賢所謂情性之外不知有文字云耳以吾飛卿立之之卓鑽之之堅得之之難異時霜降水落自見涯涘吾見其沂石樓歷雪堂問津斜川之上萬慮泯然淡入空寂盪元氣於筆端寄妙理於言外彼悠悠者可復以昔之隱几者見待耶陶然後編請取此序證之必有以子爲不妄許者重九日遺山眞隱序

木菴詩集序

東坡讀參寥子詩愛其無疏筍氣參寥用是得名宣政以來

無復異議子獨謂此特坡一時語非定論也詩僧之詩所以
自別於詩人者正以蔬筍氣在耳假使參寥子能作柳州超
師院晨起讀禪經五言濠入理窟高出言外坡又當以蔬筍
氣少之耶木菴英上人弱冠作學子從外家遼東與高博州
仲常游得其議論爲多且因仲常得僧服貞祐初南渡河居
洛西之子蓋時人固以詩僧目之矣三鄉有幸敬之趙宜之
劉景玄子亦在焉三君子皆詩人上人與相往還故詩道益
進出世住寶應有山堂夜岑寂及梅花等篇傳之京師閑閑
趙公內相楊公屏山李公及雷李劉王諸公相與推激至以
不見顏色爲恨子嘗以詩寄之云愛君山堂句淡靖如幽蘭
愛君梅花詠入手如彈丸詩僧第一代無媿百年間會說向
閑閑公公亦不以予言爲過也近年七夕感興有輕河如鍊
遺山先生集 卷三十七 五 陽泉山莊

月如舟花滿人間乞巧樓野老家風依舊拙蒲團又度一年
秋之句子爲之擊節稱歎恨楊趙諸公不及見之乙酉冬十
月將歸太原侍者出木菴集求予爲序引試爲商畧之上人
才品高眞積力久住龍門崧少二十年仰山又五六年境用
人勝思與神遇故能游戲翰墨道場而透脫叢林科臼於蔬
筍中別爲無味之味皎然所謂情性之外不知有文字者蓋
有望焉正大中閑閑公侍祠太室會上人住少林久倦於應
接思欲退席閑閑公作疏留之云書如東晉名流詩有晚唐
風骨予謂閑閑雖不序木菴集以如上語觀之知閑閑作序
已竟然則向所許百年以來爲詩僧家第一代者良未盡歟

南冠錄引

予以始生之七月出繼叔氏隴城府君迨大安庚午府君卒

官扶護還鄉里時子年二十有一矣元氏之老人大父彫喪殆盡問之先世之事諸叔皆晚生止能道其梗概子亦以家諜具存碑表相望他日論次之蓋未晚也因循二三年中原受兵避寇陽曲秀容之間歲無寧居貞祐丙子南渡河家所有物經亂而盡舊所傳譜諜乃於河南諸房得之故宋以後事爲詳而宋前事皆不得而攷也蓋之兄嘗命予脩千秋錄雖畧具次第他所欲記者尙多而未暇也歲甲午羈管聊城蓋之兄邈在襄漢遂有彼疆此界之限姪搏俘繫之平陽存亾未可知伯男子叔儀姪孫伯安皆尙幼未可告語子年已四十有五殘息奄奄朝夕待盡使一日顛仆於道路則世豈復知有河南元氏哉維祖考承三公餘烈賢雋輩出文章行業皆可稱述不幸而與阜隸之室混爲一區泯泯默默無所遺山先生集卷三十七

六

陽泉山莊

發見可不大哀耶乃手寫千秋錄一篇付文嚴以備遺忘又自爲講說之嗚呼前世功名之士人有愛慕之者必問其形質顏貌言語動作之狀史家亦往往爲記之在他人且然吾先人形質顏貌言語之動作乃不欲知之豈人之情也哉故以先世雜事附焉予自四歲讀書八歲學作詩作詩今四十年矣十八先府君教之民政從仕十年出死以爲民自少日有志於世雅以氣節自許不甘落人後四十五年之間與世合者不能一二數得名爲多而謗亦不少舉天下四方知己之友唯吾蓋之兄一人人生一世間業已不爲世所知又將不爲吾子孫所知何負於天地鬼神而至然邪故以行年雜事附焉先祖銅山府君正隆二年賜出身訖正大之末吾家食先朝祿七十餘年矣京城之圍予爲東曹都事知舟師將

有東狩之役言於諸相請小字書國史一本隨車駕所在以一馬負之時相雖以爲然而不及行也崔子之變歷朝實錄皆滿城帥所取百年以來明君賢相可傳後世之事甚多不三二十年則世人不復知之矣子所不知者亦可奈何其所知者忍棄之而不記邪故以先朝雜事附焉合而一之名曰南冠錄叔儀伯安而下乃至傳數十世當家置一通有不解者就他人訓釋之違吾此言非元氏子孫

興定庚辰太原貢士南京狀元樓宴集題名引

者北號稱多士太平文物繁盛時發策決科者率十分天下之二可謂富矣喪亂以來僵仆於原野流離於道路計其所存百不能一今年豫秋賦者乃有百人焉從是而往所以榮吾晉者在吾百人而已爲吾晉羞者亦吾百人而已然則爲遺山先生集卷三十七 陽泉山莊 七
吾百人者其何以自處邪將僥倖一第以苟活妻子邪將靳固一命躡躡廉謹死心於米鹽簿書之間以取美食大官邪抑將爲奇士爲名臣慨然自拔於流俗以千載自任也使其欲爲名臣奇士以千載自任則百人之少亦未害如曰不然雖充賦之多至十分天下之九亦何貴乎十分天下之九哉嗚呼往者已矣來者未可期所以榮辱吾晉者既有任其責者矣凡我同盟其可不勉

送秦中諸人引

關中風土完厚人質直而尚義風聲習氣歌謠慷慨且有秦漢之舊至於山川之勝遊觀之富天下莫與爲比故有四方之志者多樂居焉子年二十許時侍先人官洛陽以秋試留長安中八九月時統綺氣未除沈涵酒間知有遊觀之美而

不暇也長大來與秦人游益多知秦中事益熟每聞談周漢
都邑及藍田鄠杜間風物則喜色津津然動於顏間二三君
多秦人與子遊道相合而意相得也常約近南山尋一牛田
營五畝之宅如舉子結夏課時聚書淡讀時時釀酒爲具從
賓客游伸脰高談脫屣世事覽山川之勝概攻前世之遺蹟
庶幾乎不負古人者然子以家在嵩前暑途千里不若二三
君之便於歸也清秋揚鞭先我就道矯首西望長吁青雲今
夫世俗愜意事如美食大官高貴華屋皆眾人所必爭而造
物者之所甚靳有不可得者若夫間居之樂澹乎其無味漠
乎其無所得蓋自放於方之外者之所貪人何所爭而造物
者亦何靳邪行矣諸君明年春風待我於輞川之上矣

送李輔之之官濟南序

遺山先生集

卷三十七

八

陽泉山莊

輔之李君膺剡章之招有汎舟之役東門祖道北海開樽念
會合之良難欲殷勤之重接時則莫春三月人則楚囚再期
魯連之一箭空飛季子之百金行盡釋射鉤之怨雖當三沐
而三薰動去國之魂徒有九招而九散沈云鄉云東南水國
賜一斷而一連西北
鄉關魂九見銅駝之荆棘夢金馬之衣冠感今懷昔愠焉如
擣况復中年哀樂流景須臾歌驪駒而再中橫素波而徑去
瞻仰弗及我勞如何如春登臺翻失熙熙之意仰天擊缶能
無嗚嗚之聲諸公從衍聖孔公賦詩贈別凡若干首而某爲
之引

送高雉飛序

恒府天壤間大都會在今爲長樂宮之湯沐邑且乾龍潛躍
之淵也自文統紹開俊造駢集七八年之間鶴書特徵與鳳

尾諾之所招致眎他郡國爲尤多乃七月甲申漕司從事河東高鳴雄飛被賢王之教當來傳北上聲光四馳歡動州里僉謂高子春秋鼎盛卓然以問學爲業眞積力久故胸中之言多六經百氏史漢陳范之書司馬氏范氏通鑑唐鑑之學六朝唐以來之篇什馳騁上下絜百數萬言往往見於成誦文章翰墨宜在茂異之科古所謂立談可以致雙璧一日可以致九遷者在此行矣高晉產也僕以犬馬之齒之故謬爲之一言天家包舉六合臣屬萬國立武事以兼文備由革創而爲潤色延見故老網羅豪雋必當攷古昔之理亂論治道之先後察生民之休戚觀風俗之媿惡以成長治之業以建久安之勢金城千里大山而四維之顧豈汲汲於文章翰墨之用糜羔雁而徹玄纁乎且夫人臣以納忠爲難人君以寬

遺山先生集

卷三十七

九

陽泉山莊

聽盡下爲尤難蓋義則古今之體同而情則天淵之路絕逢干之游未遠伊管之辨易窮諛臣嫉立仗之鳴說家懼攫鱗之怒況乎裹糧三月被髮九閭事重而言輕威尊而命賤雖復憤泉秋沸冤霜天零思欲片辭自明胡可得已乃今首登瀛之選接曳裾之遊使者牽車太官捫酒主好善而忘勢士見義而得爲陸太中之詩書叔孫奉常之典禮賈長沙之經濟魏相國之謀謨有懷不摠生才奚用是則爲吾高子者亦豈輕負所學棄以爲雙璧之甘餌九遷之捷徑乎諺有之見卵而求時夜謂之蚤計椎牛饗客會其已食謂之後期智無後期亦無蚤計行矣吾子今正是時請賦南山有臺勸爲之駕云壬子秋二十有七日新興元某引

出天平北門三十里而近是爲鳳山之東麓有寺曰靈泉阻以絕矚蔭以淡樾重岡復嶺回合蔽映夏秋之交湍流噴薄殷勤谿谷寺已廢於兵而石樓之典刑故在僧扉禪室間見層出南望坡陀小山如几案間物巖花錯繡羣鶯下上雲光金碧林煙彩翠陰晴朝暮萬景含集蓋輞川之鄉社而桃源氏之別業也昭陽薦歲維莫之春諸君以僕燕路言歸東藩應聘困鞍馬風沙之役渝樹林水鳥之盟千里相思一杯爲壽楊雄獻賦自詫雕蟲之工許汜求田乃爲元龍所諱尊前見在身外何窮釋塵累而玩物華厭羃漉而樂間曠印須我友天與之時兵廚之良醞踵來京洛之名謳自獻談謔間作塊礪一空倒蔗有佳境之餘食芹無此時之美一之爲甚覺今是而昨非四者難并苦夜長而晝短謫仙所謂醉盡花柳

遺山先生集

卷三十七

十

陽泉山莊

賞窮江山者於是乎張本不有蘭亭絕唱留故事以傳之其在白雲老兄負古人者多矣五言古詩任用韻共九首以寒食靈泉宴集命篇而某爲之序諸公可共和之

德華 周卿 德昭 英孺 文伯 元某

期而不至者 聖與 子中

不期而至者 德謙 夢符

太原昭禪師語錄引

慈明與琅邪覺皆法兄弟其扶臨濟一枝慈明而下十餘世得玄冥顛禪師琅邪而下亦十餘世得虛明亨禪師玄冥風岸孤峻無所許可寧絕嗣而不傳虛明急於接納故子孫滿天下又皆稱其家加慈雲海清涼相羅漢汴與法土昭公皆是也屏山爲虛明作墓誌以爲二公傳與不傳雖異而其道

並行而不相悖也正大初予在史館昭公屬予求書屏山所作銘於禮部開闕公公初以目疾爲辭予請之堅公因問法王皆來有何言句時昭公方爲虛明作塔於法王之朝臺有偈云以塔爲身以鈴爲舌萬仞岡頭橫說豎說予爲公舉似公欣然曰銘安在我當爲書之蓋師家父子爲時賢所稱如此歲丁酉八月予自大名還太原師之徒蔚某出師語錄求作序引吾家微之有言若佛法師當爲子說而予不當爲師說故畧以數語遺之太原元某引

嵩和尚頌序

歲甲寅秋七月余自清涼還太原會乾明志公出其法兄弟萬壽嵩和尚頌古百則語誘余題端余往在南都侍閑閑趙公禮部楊公屏山李先生燕談每及青州以來諸禪老皆謂

遺山先生集

卷三十一

二

陽泉山莊

萬松老人號稱辨材無礙當世無有能當之者承平時已有染衣學士之目故凡出其門者望而知其爲名父之子雖東林隆高出十百輩而嵩於是中猶爲上首其語言三昧蓋不必置論予獨記屏山語云東坡山谷俱嘗以翰墨作佛事而山谷爲祖師禪東坡爲文字禪且道嵩和尚百則語附之東坡歟山谷歟予亦嘗贈嵩山雋侍者學詩云詩爲禪客添花錦禪是詩家切玉刀嵩和尚添花錦歟切玉刀歟予皆不能知所可知者讀一則語未竟覺冰壺先生風味津津然出齒頰間當是此老少年作舉子時結習未盡爾志公試以此語問阿師嘗發一笑中元日遺山居士元某引

傷寒會要引

往予在京師聞鎮人李杲明之有國醫之目而未之識也壬

辰之兵明之與予同出汴梁於聊城於東平與之游者六年於今然後得其所以爲國醫者爲詳蓋明之世以貴雄鄉里諸父讀書喜賓客所居竹里名士日造其門明之幼歲好醫藥時易州人張元素以醫名燕趙間明之捐千金從之學不數年盡傳其業家既富厚無事於技操有餘以自重人不敢以醫名之大夫士或病其資高饒少所降屈非危急之疾有不得已焉者則亦未始謁之也大概其學如傷寒氣疽眼目病爲尤長傷寒則著會要三十餘萬言其說曰傷寒家有經禁時禁病禁此三禁者學醫者人知之然亦顧所以用之爲何如耳會要推明仲景朱奉議張元素以來備矣見證得藥見藥識證以類相從指掌皆在倉猝之際雖使粗工用之蕩然如載司南以適四方而無問津之惑其用心博矣於他病

遺山先生集

卷三十七

七

陽泉山莊

也以古方爲膠柱本乎七方十劑之說所取之學特以意增損之一劑之出愈於託密友而役孝子他人蓋不能也北京人王善甫爲京兆酒官病小便利目睛凸出腹脹如鼓膝以上堅硬欲裂飲食且不下甘淡滲泄之藥皆不效明之來謂眾醫言疾淡矣非精思不能處我歸而思之夜參半忽攬衣而起曰吾得之矣內經有之膀胱者津液之府必氣化乃出焉渠輩已用滲泄之藥矣而病益甚是氣不化也故立子云無陽者陰無以生無陰者陽無以化甘淡滲泄皆陽藥獨陽無陰欲化得乎明日以羣陰之劑投不再服而愈西臺掾蕭君瑞二月中病傷寒發熱醫以白虎投之病者面黑如墨本證遂不復見脈沈細小便不禁明之初不知用何藥也及診之曰此立夏以前誤用白虎之過得無以投白虎邪白虎

大寒非行經之藥止能寒腑臟不善用之則傷寒本病隱曲於經絡之間或更以大熱之藥救之以苦陰邪則它證必起非所以救白虎也有溫藥之升陽行經者吾用之有難者云白虎大寒非大熱何以救君之治李何明之曰病隱於經絡間陽大升則經不行經行而本證見矣本證又何難焉果如其言而愈魏邦彥之夫人目腎暴生從下而上其色綠腫痛不可忍明之云腎從下而上病從陽明來也緣非五色之正殆肺與腎合而爲病邪乃就畫工家以墨調膩粉合而成色諦視之曰與腎色同矣肺腎爲病無疑矣乃瀉肺腎之邪而以入陽明之藥爲之使旣效矣而他日病復作者三其所從來之經與腎色各異乃復以意消息之曰諸脈皆屬於目脈病則目從之此必經絡不調經不調則目病未已也問之果

遺山先生集

卷三十七

三

陽泉山莊

然因如所論而治之疾遂不作馮內翰叔獻之姪櫟年十五六病傷寒目赤而頓渴脈七八至醫欲以承氣下之已煮藥而明之適從外來馮告之當用承氣明之切脈大駭曰幾殺此兒內經有言在脈諸數爲熱諸遲爲寒今脈八九至是熱極也而會要大論云病有脈從而病反者何也脈至而從按之不鼓諸陽皆然此傳而爲陰證矣趣持薑附來吾當以熱因寒用法處之藥未就而病者爪甲變頓服者八兩汗尋出而愈陝帥郭巨濟病偏枯二指著足底不能伸迎明之京師明之至以長鍼刺委中淡至骨而不知痛出血二三升其色如墨又且謬刺之如是者六七服藥三月病良愈裴擇之夫人病寒熱月事不至者數年已喘嗽矣醫者率以蛤蚧桂附之等投之明之曰不然夫病陰爲陽所搏溫劑太過故無溫

反害投以寒而之藥則經行矣已而果然宣德侯經歷之家
人病崩漏醫莫能效明之切脈且以紙疏其證多至四十餘
種爲藥療之明日而二十四證減前後五六日良愈侯厚謝
而去明之設施皆此類也戊戌之夏予將還太原其子執中
持所謂會要者來求爲序引乃以如上事冠諸篇使學者知
明之之筆於書其已試之效蓋如此云閏月望日河東元某
書於范尊師之正一宮

元氏集驗方序

予家舊所藏多醫書往往出於先世手澤喪亂以來寶惜固
護與身存亡故卷帙獨存壬寅冬間居州里因錄予所親驗
者爲一編目之曰集驗方付搏拊輩使傳之且告之曰吾元
氏由靖康迄今父祖昆弟仕宦南北者又且百年官無一麾
遺山先生集 卷三十七
十
陽泉山莊
之寄而室乏百金之業其所得者此數十方而已可不貴哉
十二月吉日書於讀書山之東龕

周氏衛生方序

定襄周侯夢卿弱冠從其兄戶籍判官器之作學子遭罹兵
亂投迹戎行屢以戰多取千戶封佩金符然其舉子習氣故
在也中年以來頗以醫藥卜筮爲事孤虛壬遁風角鳥占俱
號精備軍旅問病患瘡瘡爲之投劑救療旣廣遂爲專門之
業以夏課綴葺之勤而移之芝术葭桂之下好事者有祕方
可責目前之效者必來告之歲月旣久浸成卷帙凡若干卷
若干首以周氏衛生方目之予以世契之故得傳錄焉竊謂
醫藥大事也古人以爲藥猶兵然兵殺人之器善用之者能
以殺人者生人不善用之則反以生人者殺人世之君子留

意於性命之學者良有旨哉子於周侯不獨美其已試之功
與兼愛之心又以見其角逐風塵之際雖有獨歸千軍之勇
果非樂於戰鬪以人命爲輕者故爲道所以然者冠諸篇遺
山元某引

遺山先生集卷第三十七

遺山先生集卷三十七

五

陽泉山莊

山元某引

果非樂於戰鬪以人命爲輕者故爲道所以然者冠諸篇遺
山元某引
果非樂於戰鬪以人命爲輕者故爲道所以然者冠諸篇遺
山元某引
果非樂於戰鬪以人命爲輕者故爲道所以然者冠諸篇遺
山元某引

遺山先生集卷第三十八

元張德輝頤齋類次 平定後學張穆石舟校梓

銘

孔道輔擊蛇笏銘

龍圖孔公原魯擊蛇笏闕里傳寶舊矣汴梁既下入宣撫王公家公之子以傳彥遠張君彥遠屬某作銘敢以蕪辭贅於徂徠石先生之末以俟後之君子己酉十月日書

大橫庚庚色棗漆殷皿一線著怪迹殷士膚敏世載德天以

原魯配秀實文楷指佞堯屈軼之版恃氣不屈衣冠堂堂

立如植寸鐵指月月不蝕指月一作麤一死蛇區區辱吾擊正以痛

使與泚一徂徠之銘董狐筆神物當為吾道惜屬君金匱祕

石室一日龍化雷破壁一日一作不然

遺山先生集 卷三十八

良佐鏡銘

陽泉山莊

鄙城張氏蓄古鏡以百數其一識云見月之光天下大明子用是知古人雖作細小物而閎衍博大之義寓焉丙戌夏四月予過汜南良佐請銘其鏡因取往所見入言之義衍之以為銘良佐忠於愛君篤於事長嚴於治軍旅又謙謙折節下士從諸公授論語春秋讀新安朱氏小學以為治心之要故就其可致者而勉之

繁時之金金城之功刻畫之制鍛鍊之功自其細心而觀之不過為櫛縱巾帨几杖盪孟間之一物自其大者而言之則乃有日月大明天地之至公且夫昭曠粹精自天降衷惟不能取諸身而取諸物此偏暗之所以揜其聰須眉之不燭妍媸之不別與亾鏡同善惡之不明白黑之不分與亾視同豈

有衣冠堂堂百夫之雄挾昭曠粹精之固有而不得比一物
巾輓盤盂之中古有之見爾前慮爾後吾願君子之擴而充
默庵銘爲劉司正光甫作

時然後言真默者存理然後默至言之實予欲無言惟聖人
能餘皆數窮以默自懲有喙三尺而學啞啞規以自藏物不
我假智如挈餅靜如持城其中鏗鏘萬物震驚酒見於面病
見於脈眼有否臧口無青白欲息子言當息子機一庵虛白
天地同歸

布衾銘

百世溫公布衾終身服公之服嗟予何人人以貧爲辱我以
貧爲福人以儉爲詐我以儉爲德惟福惟德服之無斃

無弦琴銘

遺山先生集

卷三十八

二

陽泉山莊

厥初制琴意寓於器器如可忘聖則徒制如陶所言奚貴於
琴羊存禮存大中之心我弦無弦弦會當具尙因正聲以識
真趣

取樂堂銘

工部高平趙公德宇冲粹與物無競敷歷中外餘三十年朝
廷自公宰士皆以爲君子長者晚節末路浮湛里社乃無失
侯故將幽憂憔悴之態詩所謂風雨如晦雞鳴不已者於公
見之新居有堂取古人爲善自得之義名之曰取樂以公平
生攷之可謂無媿其名矣新興元某爲作銘

樂外有終樂內莫窮惟樂焉有外內之別斯君子小人之不
同大本在中至和與融涵浸薰醜四體以充孰不秉彝而天
獨以厚公醜醜腐腸鼓鐘闕聰誠有囂囂者存洵憂畏其誰

攻相彼力田祇繫於逢就七週之皆比要萬折而必東遼海
管寧鹿門龐翁幽蘭淡林穆如清風雖心逸日休人知作德
之所自至於身康強而子孫吉者將非爲善之功乎

超然堂銘

眼空四海自聖癩舌唾一時無眼禪匡牀兀坐差獨賢恩澤
小侯佳少年威儀秩秩賓初筵榮觀燕處防未然小學之書
聖所傳祝君持心靜而天青雲驕驕渺翩翩
仲寧提領年甫弱冠顯襲世爵蓋嘗從吾友輔之教授張君
學故時譽甚著日者燕諸老於所居之超然堂問以超然之
義且以銘爲請因就其所可致者而勉之

太古堂銘

廣寧全道太古真人寧海郝君初入道習所調以苦爲樂者
遺山先生集卷三十八
三 陽泉山莊
塊坐趙州南石梁之下六年羽化之後高弟范鍊師復來趙
州築環堵而居之官吏士民請住州之天寧觀後十年眞定
幕府參議趙振玉起堂於天寧名之曰太古左司郎中賈道
成因立真人像於中使其徒事之真人平生篤於大易之學
其以古道自期者蓋天性然余嘗讀太古集見其論超詣非
今日披裘擁絮四首喪面者之所可萬一癸卯冬過慶源館
鍊師所居乃爲作太古堂銘其銘曰

宇宙一途萬物並馳至人淡心砥柱不移一念萬年後天爲
期虛室生白嗒焉自遺故日存乎人不繫其時居今而行古
豈季末之能滿玄學希夷大易精微致身羲皇野鹿標枝穴
居野處旦暮見之彼儻隱行怪小智自私泯泯默默至老死
而不自復者殆昨暮完邪

皇極道院銘

虛白處士趙君已入全真道而能以服膺儒教爲業發源語
孟漸於伊洛之學方且揆三聖書而問津焉計其真積之力
雖占候醫卜精詣絕出猶爲餘刃耳道風旣扇旌車時徵曳
謁王門大蒙寵遇三年以母老得請歸在鎮陽行臺奉被恩
旨發泉公帑築館迎祥觀之故基是爲皇極道院年月日某
實敘而銘之處士名素字才鄉河中人虛白其賜號云

聖學心傳惟精惟一作新斯民下土是式相爾秉彝有物有
則厥惟背馳固有而失有淫有朋有比其德匪伊司南偃其
擿植於帝其訓王道正直福自爾求如斂而錫咨而虛白慮
然後得言以道敷中由權執賢王好善而康而色相叶厥居
方穀之實善頌善禱香火晨夕恭惟君師永建皇極

遺山先生集

卷三十八

四

陽泉山莊

長真庵銘

淮安張澤之爲子言福昌之東韓城長真譚公舊隱之跡在
焉其徒王志明者葺居之土木之功畧具矣用譚公之故名
之曰長真庵志明初隸唐州營卒在諸縣中獨以性行見稱
其主獄囚有矜憫之實飢飽寒暑每爲調護之旣久轉將領
贖產亦厚一旦與道人語慨然有高舉遠引之意卽棄家入
道其子追及於襄城泣拜請還志明靡然不移遂入崧山師
事紫虛於大師及卽仙翁積年避壬辰之兵東之海濱亂定
遷洛陽築環堵於韓城而居之道俗歸向以爲堅坐六年非
世人所能堪乃卽譚所居而奉之今年過八十神觀殊未衰
目光炯然人望之知爲有所養者長真爲得人矣幸吾子爲
之銘澤之子舊交其言可信不妄乃參用溪南詩老幸敬之

之語爲作銘銘曰

其兼愛也揚其苦節也墨有許行之樹藝有頭陀之縛律其澹然無營又似夫修混沌氏之術者也若夫腐朽之可神糟粕之可醇卽色而實相卽空而法身孰矣而孰真吾知有存乎其人而已

天覲銘

楊子得片石於馬山之前方廣一尺厚減寸之半從長衡短狀若展掌底平而不頽坎可以貯水而面可以受墨杜仲梁曰此天覲也煥然乃請余爲之銘

義則方智則圓動也人靜也天在物強名在我自然爾自惟鸚爾味惟鳳簫火繩縵求中產之售漆室緹衣致寶筵之奉彼金樅而斥奏泉生而雲滂者亦惟覲之用割烹是謂食費遺山先生集卷三十一

五 陽泉山莊

小紫玉池覲銘

蒼龍太一玉版之次維寶覲三并此而四出中祕歸元氏得非所宜殆天賜子孫保之他日知野史之所自

贊

手植檜聖像贊

乙巳冬十二月拜林廟還得手植檜把握許就刻之爲宣聖顏孟十哲像且以文楷爲龕像出於手檜爲難其得於煨燼之餘又爲難合是二難宜爲儒家世寶迺百拜而爲之贊云體則微理則全望之儼然卽之溫然見其參於前手所植焉形所寓焉斂之管窺浩浩其天是將以爲甘棠之賢邪抑與夏鼎殷槃而傳也

老人星贊

維南有星與弧直其名老人天一極或見或隱代不一光精
何年貫此石非母非青非瓌刻玄龜導前鶴後翼飄然而來
莫從詰祝翁少留觀世德尙爲斯民開壽域
宣政間忻州天慶觀道士能知推命其宗人堅畫老人星像
紫府竹瓊爲之贊石刻有二一在吾州一在濟源貞祐甲戌
之兵天慶廢石刻之存亡未可必在濟源者畫像雖存而贊
文漫滅不可讀己亥正月予見之濟瀆祠歎州里舊物兒時
所常見者將遂湮滅而不傳因爲贊以補之且使三人者姓
名復見於此紫府今五臺二十七日謹記

范文正公眞贊

文正范公在布衣爲名士在州縣爲能吏在邊境爲名將在
遺山先生集 卷三十八

六

陽泉山莊

朝廷則又孔子之所謂大臣者求之千百年之間蓋不一二
見非但爲一代宗臣而已丁酉四月獲拜公像於其七世孫
道士圓曦乃爲之贊云

以將則視管樂爲不忝以相則方韓富爲有餘其忠可以支
傾朝而寄末命其量可以際圓蓋而蟠方輿朱衣玄冠佩玉
舒徐見於丹青英風凜如古之所謂巫紳正笏不動聲氣而
措天下於泰山之安者其表固如是歟

趙開閑眞贊二首

趙開閑眞贊二首

周旋於正廣道宗平叔之間而獨能紹聖學之絕業斂避於
蔡無可黨竹溪之後而竟推爲斯文之主盟不立崖岸之謂
和不置町畦之謂誠不變燥溼之謂定不汙泥滓之謂清藹
然粹溫見於丹青雖無老成人尙有典刑鳳衰無周龍移啟

魏珍瘁攸屬古爲悲歆人知爲五朝之老臣不知其爲中國
百年之元氣

興定初某始以詩文見故禮部閑閑公若以爲可教爲延
譽諸公間又五年乃得以科第出公之門公又謂當有所成
就也力爲挽之獎借過稱旁有不平者宰相師仲安班列中
倡言謂公與楊禮部之美雷御史希顏李內翰欽叔爲元氏
黨人公不之卹也正大甲申諸公貢某詞科公爲監試官以
例不赴院宿一日坐禮曹欽叔從外至誦某秦王厥竇建德
降王世充露布公頗爲聳動願坐客陳司諫正叔言人言我
黨元子誠黨之邪公之篤於自信蓋如此壬辰冬某以東曹
掾知雜權都司取行止卷觀之見公獨銜及楊雷猥相薦引
者十七章竊自念言公起布衣仕五朝官六卿自奉養如寒
遺山先生集 卷三十八 七 陽泉山莊

士不知富貴爲何物其自待如此願雖愛我寧欲爲利祿計
欲使之亟進得以升斗活妻子邪惟是愚陋不足以當大賢
持達之遇兀兀近五十而迄無所成用是爲媿負耳北渡後
求汴人趙濟甫爲公寫真因題贊其上嗚呼公道德文章師
表一世如我乃得而事之公初不以利祿期我然則今所以
事公者雖出於門弟子之私亦豈獨以門弟子之私也哉

公無恙時辱公陶甄攜之提之且挽且前萬馬之所馳不足
以比公之轅萬折之所礙不足以回公之川將私其私邪抑
以爲文字之傳匠石斲斤子牙絕弦千載一人猶以且暮萬
里一士且謂比肩念公生平使我涕漣顏如渥丹雙瞳炯焉
彼粹而溫旣與不可傳者死矣觀乎此則又可以髣髴其足
音之是然

范鍊師眞贊

戊戌之夏子過東平留宿正一宮時范鍊師已東邁門弟子
王仲徽出其寫眞求予爲贊鍊師初事崑崙郝公號之曰玄
同子後從棲霞工公復有玄通之目故兼及之贊曰

異欲其同介欲其通惟天與之形而道與之貌者不可變故
無地以受運斤之風三山微茫貝闕珠宮野服蕭然與雲俱
東橫絕四海者亦何慕冥冥之鴻耶

寫眞自贊

崑山
中作

短小精悍大有孟浪勃萃槃踞稍自振厲豪爽不足以爲德
氣之兄蕭散不足以爲元氣之弟至於欽叔之雅重希顏之
高氣京甫之蘊藉仲澤之明銳人豈不自知蓋天稟有限不
可以強而至若夫立心於毀譽失真之後而無所副橫身於
遺山先生集 卷三十八 八 陽泉山莊
利害相磨之場而莫之避以此而擬諸君亦庶幾有措足之
地

介山馬卿雲漢爲仲晦甫寫眞燕坐蕭然六籍在旁目

曰讀經圖欣然有會於予心者爲作贊云

聖謨洋洋善誨循循敝則新兮司南通途及門而堂自致身
兮致身維何山立揚休叶經綸兮所學所知效之所 遂及
民兮河潤九里海潤百里煦如春兮大方無隅孰墨孰儒孰
緇磷兮緇衣好賢佩之飛霞冠青雲兮方內之外方外之內
有若人兮

張幾道鍊師眞贊

立學爲家平實中冲靜焉而不譁孫龍田巴其書五車吾知
爲盜夸若夫自後而先絕素隱之累方外而內無多岐之差

語有之人生也直然則若人之所以敦龐者艾者其未涯也哉

頌

登封令辭侯去思頌

興定二年冬十月二日詔以王屋令辭侯莅登封侯之來前政適爲飛語所被羣小焰焰如焚絲如沸糜殆若不復能措手者侯曰內之不洽不可以言外於是退悍卒併冗吏決留務釋滯獄不旬日縣中廓廓無事卽召里胥鄉三老之屬凡民之貧富丁之寡眾里社之大小輸送之近遠諦問詳審纖悉具備著爲成籍核其次而用之貨逋賦以寬流亾假間田以業單貧一粟之斂一夫之役均配周及權衡之必平緇銖之必分也寬以期日不復強責計以追胥之費之半而公上

遺山先生集

卷三十八

九

陽泉山莊

給矣方春勸耕遭田父野麥於途慰以農里之言而勉之孝弟之訓懇切至到人爲感動以爲前乎此蓋未嘗有令惠吾屬之如此也大概侯之治仁心以爲質不屑屑於法禁人有犯薄示之辱教以改過而已至於老姦宿惡不可以情用之淡洽而痛繩之終不以爲夸也故吏畏而愛民愛而畏上官不敢撓以事賓客不敢干以私教化興行頌聲流聞四外之人莫不以崧前爲樂土焉明年邑之民有借寇之舉會官以辟學令法有不便者一切罷之民卽相與言曰吾侯如是而不得終惠茲邑侯往矣吾屬能久於此乎雖然侯之政不可以無述也於是刻石頌德以致其去思之心焉侯名居中字鼎臣泰和中進士乙科釋褐滏陽簿卽有聲其辭曰

吏姦而漁吏酷而屠軒裳賄階章綬盜符魚肉視人以膏自

濡百騰踵來惠而不鉏饑喙既鑿督之公輸嗟嗟遺黎寒餓
而劬斂擊幾何日腊以枯孰當膏之俾還敷腴侃侃辭侯仁
信篤誠優爲趙張恥以自名我靖我民而不震驚涵浸薰醲
千室更生侯勸於郊民爾良苦治爾耒耜安而田畝輕家而
通孰爲汝所不奪汝時不急汝租無墮不勤游末是趨辨爾
穰穰相爾苗畝區爾欲深苗爾欲疏根秀旣芟蝨賊旣除穰
穰滿家貢以羨餘民拜侯教我敬我事迨其有秋雜侯之賜
有來督郵責賦失期侯惠我民吏不叩扉丁男有言越輸無
遲及此暇時從侯於嬉有嘉者禾將獻而失民謂我侯豈當
移秩蕭蕭馬鳴我侯於征侯無愠容民有嘆聲吏昔屏氣今
當誰畏盜昔知義今當誰媿子渴未濡蔽其泉流子暍未蘇
徹其庇庶侯去不留去如何憂中天之雲是陰下邑出而爲

遺山先生集

卷三十八

十

陽泉山莊

雨崇朝萬國我思我侯與雲借來引領南東顧瞻裴回嵩上
盤盤潁水潏潏我侯之思其有旣哉

遺山先生集卷第三十九

元張德輝頤齋類次 平定後學張穆頤淵校梓

書

寄中書耶律公書

癸巳

四月二十有二日門下士太原元某謹齋沐獻書中書相公
閣下易有之天造草昧君子以經綸伏惟閣下輔佐王室奄
有四方當天造草昧之時極君子經綸之道凡所以經造功
業考定制度者本末次第宜有成策非門下賤士所敢與聞
獨有事系斯文爲甚重故不得不爲閣下言之自漢唐以來
言良相者在漢則有蕭曹丙魏在唐則有房杜姚宋數公者
固有致太平之功而當時百執事之人毗助贊益者亦不爲
不多傳記具在蓋可攷也夫天下大器非一人之力可舉而

遺山先生集

卷三十九

一

陽泉山莊

國家所以成就人材者亦非一日之事也從古以來士之有
立於世必藉學校教育父兄淵源師交之講習三者備而後
可喻如脩明堂總章必得榘楠豫章節目礫河萬牛挽致之
材豫爲儲畜數十年之間乃能備一旦之用非若起尋丈之
屋構樞椳楔楹棧棗桷雜出於榆柳槐柏可以朝求而暮足
也竊見南中大夫士歸河朔者在所有之聖者之後如衍聖
孔公耆舊如馮內翰叔獻梁都運斗南高戶部唐卿王延州
從之時輩如平陽王狀元綱東明王狀元鶚濱人王賁臨淄
人李浩秦人張徽楊煥然李庭訓河中李獻卿武安樂夔固
安李天翼沛縣劉汝翼齊人謝良弼鄭人呂大鵬山西魏璠
澤人李恒簡李禹翼燕人張聖俞太原張緯李謙冀致君張
耀卿高鳴孟津李蔚真定李治相人胡德珪易州敬鉉雲中

李微中山楊果東平李彥西華李世隆濟陽張輔之燕人曹
居一王鑄渾源劉祁及其弟郁李全平定賈庭揚楊恕濟南
杜仁傑沼水張仲經虞鄉麻革東明商挺漁陽趙著平陽趙
維道汝南楊鴻河中張肅河朔句龍瀛東勝程思溫及其從
弟思忠凡此諸人雖其學業操行參差不齊要之皆天民之
秀存用於世者也百年以來教育講習非不至而其所成就
者無幾喪亂以來三四十人而止矣夫生之難成之又難乃
今不死於兵不死於寒餓造物者挈而授之維新之朝其亦
有意乎無意乎誠以閣下之力使脫指使之辱息奔走之役
聚養之分處之學館之奉不必盡具饘粥足以餬口布絮足
以蔽體無甚大費然施之諸家固已骨而肉之矣他日閣下
求百執事之人隨左右而取之衣冠禮樂紀綱文章盡在於
遺山先生集

卷三十九

二

陽泉山莊

是將不能少助閣下蕭曹丙魏房杜姚宋之功乎假而不爲
世用此諸人者可以立言可以立節不能泯泯默默以與草
木同腐其所以報閣下終始生成之賜者宜如何哉閣下主
盟吾道且樂得賢才而教育之一言之利一引手之勞宜不
爲諸生惜也冒瀆台嚴不勝惶恐之至某再拜

與樞判白兄書

某頓首自乙巳歲往河南舉先夫人旅殯首尾閱十月之久
幾落賊手者屢矣狼狽北來復以葬事往東平連三年不寧
居坐是不得奉起居之間吾兄亦便一字不相及何也如聞
曾定襄人處寄書然至今不曾見但近得仲庸書報鐵山已
娶婦吾兄飲啖如平時差用爲慰耳去秋七月二十三日忽
得足痿症賴醫者急救之僅免偏廢今臂痛全減但左右指

麻木仍在也。比來數處傳某下世，已有作祭文挽辭者。此雖出於妒者之口，亦恐是殘喘無幾神先告之耳。向前八月大葬之後，惟有實錄一件，只消親去順天府一遭，賊三數月功披節，每朝終始及大政事，大善惡係廢與存亡者，爲一書。永安及正大事，則畧補之。此書成雖溢死道邊，無恨矣。更看前去時事，稍得放鬆否也。王先生碑，今送去中間，有過當處，吾兄細爲商畧之。碑石想亦便立得。他日改定亦無害也。所欲言者甚多，聊疏三二事，欲吾兄知之，有便望一書爲報也。時暑自愛，不宣。

答中書令成仲書

張子敬處備悉。盛意未幾，張伯寧來招，致殷重甚，非衰謬之所堪任。其還也，不得不以書通癸卯之冬。蓋嘗從來使一到

遺山先生集

卷三十九

三

陽泉山莊

燕中承命作先相公碑，初不敢少有所望，又不敢假借聲勢。悠悠者若謂鳳池被奪，百謗百罵，嬉笑姍侮，上累祖禰，下辱子孫，與渠輩無二。雖無骨恨，而乃樹立黨與，撰造事端，欲使之卽日灰滅，固知有神理在。然亦何苦以不貲之軀，蹈覆車之轍，而試不測之淵乎？君侯材量閎博，藹有時望，士大夫出於門下者，有何限量，朝夕接納，足以廣見聞，益智慮，而就事業。願僕何人敢當特達之遇，乎復有來命，斷不敢往。孤奉恩禮，死罪死罪，某再拜。

答聰上人書

某頓首。啟四月末，自太原來，鎮州得春後手書，副以寶刀新什，反復熟讀，且喜且嘆。又媿衰謬，無以稱副。好賢樂善之心，耳僕自貞祐甲戌南渡河時，犬馬之齒二十有五，遂登楊趙

之門所與交如辛敬之雷希顏王仲澤李欽叔麻知幾諸人其材量文雅皆天下之選僕自以起寒鄉小邑未嘗接先生長者餘論內省缺然故痛自鞭策以攀逸駕後學時文五七年之後頗有所省進而學古詩一言半辭傳在人口雖以爲專門之業今四十年矣見之之多積之之久揮毫落筆自鑄偉詞以驚動海內則未能至於量體裁審音節權利病證眞贗攷古今詩人之變有懲直而無姑息雖古人復生未敢多讓常記平生知己如辛敬之李欽用李長源輩數人每示之一篇便得人致力處自諸賢彫喪將謂無復眞賞乃今得方外三四友如上人者其自幸宜如何哉上人天資高內學富其筆勢縱橫固已出時人畦畛之外惟前輩諸公論議或未飽聞而鑿道之耳古人有言不見異人必得異書可爲萬

遺山先生集

卷三十九

四

陽泉山莊

世學者指南可終身守之此僕平生所得者敢以相告錦機已成第無人寫潔本年間得斷手卽當相付亦倚公等成此志耳人行遽書不盡言時暑萬萬以道自護不宣

荅大用萬戶書 二通

某頓首啟東原宿留幾半歲之久辱公家賢弟昆慰藉之厚內省衰謬媿無以當之耳卽日伏惟起居萬福孫德謙張夢符津送至魏京今東歸矣雷氏霜鍾亦名器也胥門舊物果有所歸到日公自知之臨行聊此爲候向暄千萬自愛不悉
某再拜啟

某頓首辱書知賢昆季雅意媿衰謬無以當之卽日伏惟侍奉萬福自西歸鹿泉值仲女病劇奔詣太原留百許日僅得勿藥卽欲東行繼聞相君北上且留待他日諸餘張堦能言

之所需橫笛侍女圖今奉去樹萱堂託樞見下筆未晚敬器
賦全文并跋語千萬錄寄欲入見聞錄中時暑強學爲親加
愛不一一某再拜

疏

忻州修學疏代郝侯作

始定終綏守文之期式邁有教無類作人之效可徵言念吾

州久崇廟學傳侯完復於天德小康之際傳守名慎微字機先要公增

築於大定承平之時要守名介極地位之高明副師儒之嚴

重華表俯窺於雙鶴廟學下有連岡雄鎮於九龍學在九龍

絃歌絕井邑之譁章甫易弓刀之舊孫內翰之科名相踵孫

九鼎字固鎮國姚隱君之文后具存學記醉軒先生所作名

不圖劫火之餘遠有圓疏之歎顧慙小已猥守大藩方舉廢

遺山先生集 卷三十九 五 陽泉山莊

之是圖亦少文之當變昔魯僖以泮宮發頌齊宣由稷下壘

聲不能廣廈以庇賢良媿萬夫之觀政況乃立壇並峙佛屋

載新開檀施於奔馳戰歎之場化金碧於顧盼嗷呻之頃何

私有百神之秩而公無二仲之祠既責任之有歸豈經營之

敢後下車修庠序之教猶竊恨其遲扶杖思德化之成夫何

遠之有孰相茲役我懷其人

清真道院營建疏

奉爲本庵欲創聖位以爲焚誦祝延之所其於工費有賴宏

持謹投諸方上善共締清緣者竊以像設嚴真儀之奉齋廚

維淨侶所安祝贊有歸功緣爲大方經營之伊始宜助籍之

相先凡我同人幸垂一諾謹疏戊申六月日遺山老人疏

請太一宮提點李大師住天封疏

大室兼衡霍之秀天封維仙聖所廬劍飛而古柏仍存后澗
而仙蒲未老孰爲眞隱再鳴玄風揚潘馬之徽音續譚劉之
正脈李公大師源分澗水名動漠庭靜一得精微之傳冲退
爲衰薄之鎮惟望拜之祠旣舉而司眞之治方虛敢因黃鶴
之書敬促青牛之駕壁門金闕瞻星漢以非遙玄都戶壇佇
嵩呼之復振善哉行矣今正是時

興國院改律爲禪請住持疏二首

軌轍交馳塵勞先起皮毛盡落眞實具存星河同是一天淮
濟更無別水談空說有何妨振轉話頭指東畫西究竟不離
當處眷茲興國初議安禪誰堪選佛道場來舉開山公案集
公清風匝地滿月當秋不甘北覬之鈴銚自得壽寧之衣鉢

僧嗣壽

寧月 光明旣露難擬蓋藏賓主相諧共爲推挽雲山改色

遺山先生集卷三十九

六

陽泉山莊

鐘鼓同聲暫從華表之游盡革青氈之舊法延龍象同歸佛
祖之權大地山河永祝南山之壽善哉行矣今正是時

福慧兼全萬爲希有人境相值一變從新載惟父祖之田園
遠歷隋唐之歲月透龕仍在露塔相望雖齋鼓粥魚粗供朝
夕而樹林水鳥未極幽閒幸我賢侯特紆浚眷謂扛地之清
風未遠而開門之勝概空孤變遷旣異於古今授受寧論於
甲乙誰其作古自有當仁固知不出當家終亦難逃公議月
輪桂樹斬新別出一枝佛國旃檀何暇更求他木某公清標
孤峻道照虛明袖裏圖繩穿透向上諸人鼻孔林開几席坐
斷天下衲僧舌頭旣爲大事因緣化身合與末法眾生援手
自教自禪之已竟誰賓誰主以何言勿云鶴戀白巢自是龍

行故道高提正令行十三八椽之權永爲皇家延百億萬年

之壽無勞擬議便可承當

曹子歸葬疏

松柏歲寒莫重死生之託金蘭天屬亦有急難之求久要不忘交情乃見通甫曹君牧之風調張祐才名誰謂雍容閎暇之年生而有零落棲遲之暮景風霜十月身去國而不歸蓬藿一丘事蓋棺而未了且行路有匍匐之救豈徒哀無贈賻之文凡我同盟忍忘斯義城旁冢地何如溫序之鄉鬪汁上麥船曾有范家之父子

雜體

麻杜張諸人詩評

麻信之杜仲梁張仲經正大中同隱內鄉山中以作詩爲業

人謂東南之美盡在是矣予嘗竊評之仲梁詩如偏將軍將

遺山先生集

卷三十九

七

陽泉山莊

突騎利在速戰屈於遲久故不大勝則大敗仲經守有餘而攻戰不足故勝負畧相當信之如六國合從利在同盟而敵於不相統一有連雞不俱棲之勢雖人自爲戰而號令無適從故勝負未可知光弼代子儀軍舊營壘也舊旗幟也光弼一號令而精彩皆變第恐三子者不爲光弼耳

射說

晉侯觴客於柳溪命其子壻馳射壻佳少年也跨躡柳衍中勝氣軒然舞於顏間萬首聚觀若果能命中而又搏取之者已而樂作一射而矢墮再而貫馬耳之左馬負痛而駭人與弓矢俱墜左右奔救雖支體不廢而內若有損焉晉侯不樂謝客客有自下座進者曰射技也而有道焉不得於心而至焉者無有也何謂得之於心馬也弓矢也身也的也四者糶

爲一的雖強之微將若車輪焉求爲不中不可得也不得於心則不然身一馬一弓矢一而的又爲一身不暇騎驕不暇設設不暇的以是求中於奔馱之下其不碎首拆交也幸矣何中之望哉走非有得於射也顧嘗學焉敢請外廢之下駟以卒賢主人之歡何如晉侯不許顧謂所私曰一馬百金一放足百里銜策在汝手吾安所追汝矣竟罷酒元子問之曰天下事可見矣爲之者無所知知之者無以爲一以之敗一以之廢是可歎也作射說

酒裏五言說

去古日已遠百僞無一真獨惟醉鄉地中有羲黃醇聖教難爲功乃見酒力神誰能釀滄海盡醉區中民此子三十六七時詩也壬辰北渡順天毛正卿楊德秀與一傅生祈仙山寺遺山先生集卷三十九

八

陽泉山莊

中蘇晉降爲寫詩數十首一詩有百僞無一真中有羲黃醇之句餘詩除酒裏神仙我五言外多不成語正卿德秀初不知蘇晉爲何代人不論此詩何人作也而晉所批乃有此十字晉豈子前身歟抑嘗見子詩竊以爲己有者歟將近時鬼物之不味者記子詩以託名於晉以自神也是皆不可知晉旣以子詩爲渠所作故子亦就酒裏神仙我五言取價於晉作樂府一篇繡佛長得半生枉伴蒲團過須墟橫臥一蹴虛空戚頗笑張顛自謂無人和還知麼醉鄉天大小箇神仙我靖德昭兒子高戶字說

靖德昭兒子高戶字說

古今俗忌以五月爲惡月端午爲惡日赴官者頓不敢發生子者棄不敢舉不幸而與禍會故一切以俗忌爲當然赴官後期蓋不足計生子而不之舉其禍可勝言哉原武靖德昭

以此月舉兒子靖氏蓋靖郭君之裔乃取田文故事名之曰高戶而乞字於余子以爲五月生子往往富貴而壽如漢大將軍王鳳相國胡廣晉王鎮惡之等其事見於史漢魏晉之書爲甚詳秉筆者亦欲明已定之分祛雷同之惑故諄復言之德昭之先人南湖翁蚤歲以文武材傑出時輩浮湛里社四五十年之間抱利器而莫之試其所得者君子長者好賢樂善之名耳德昭問學甚篤行義甚脩遭離世故又抑不能舉宜爲造物者之所乘除以起家之子遺之也高戶今六歲青衿繡襦溫然如含玉之璞琢而文之將爲萬乘之器吾知惡月之說殆田家媼火鑪頭語耳因字之伯起書以貽之

曹南商氏千秋錄

曹南商氏族姓所起見於遠孫正奉大夫贈昌武軍節度使

遺山先生集

卷三十九

九

陽泉山莊

衡所著千秋錄備矣蓋自少典而降得姓者十四契始封商以子命氏十三世而至湯十七世而微子代殷後爲偃王又二十六世於秦於兩漢於曹魏六朝隋唐詳見於家牒者以節度君推世次系出陳之長平長平殷高宗家在焉遠祖司空佑唐史有傳太和中再領天平節鉞子羽舉進士藩府辟召不至通顯子盈孫僖宗間其有禮學擢爲太常博士終於大理卿贈吏部尙書子暄暄之子處讓處讓之子嶽已上失其官號俱爲唐人嶽之子諱懷欽入五代十年生周顯德三年劉燦勝擢第終於宋建隆四年朝奉郎試大理評事知曹州南華縣事致仕因家於曹享年九十四詳見譜牒蓋自司空而後爲鄆人南華而後爲曹人避宋宣祖諱改姓商氏逮節度君九世矣南華之子捷淳化三年孫何勝擢第累官至

比鄱郎中生七子宗聖宗傳宗同宗弼宗旦宗奭宗昱宗傳
宗弼宗旦三子登科宗傳咸平三年陳堯咨榜擢第初仕蜀
川後乃隔絕不知所終宗弼大中祥符五年徐奭榜擢第累
遷至中書舍人仁宗朝時譽藹然有卿輔之望其後不樂仕
進年未五十乃挂冠築堂曹南之西園名曰晦道時賢高其
勇退盛爲稱道之享年七十娶冀氏封金華縣君生八子倚
備儼傳佑佖偕倚備傳佖四子登科卽節度君六世祖也
宗旦字繼周天聖五年王堯臣榜擢第官至朝奉郎知桂陽
監平陽令享年五十二娶卞氏生四子伊瀨侑旉詳見墓誌
長子伊伊子諶倚元豐五年黃裳榜第一甲第三人擢第初
任太原教授大學博士後元祐黨事興碑其名於餘官之列
一子中立備皇祐三年馮京榜擢第三子穆之伯之適之傳
遺山先生集 卷三十九 十 陽泉山莊

字夢臣皇祐五年鄭獬榜擢第繼登說書科授國子直講終
於光祿寺丞出知虢州未陽縣事亦足以知當時重守令之
選也享年六十一累贈太中大夫娶李氏封恭人詳見墓誌
卽節度君五世祖也生七子千之元之立之延之坦之成之
貫之元之貫之登科佺嘉祐四年劉輝榜擢第終於通直郎
致仕享年七十四娶張氏生五子先之才之孝之說之直之
先之說之登科元之熙寧九年徐鐸榜擢第終於承議郎濟
州鉅野令縣界金山寺碑在焉娶蕭氏四子因囿丹丙因登
科先之元豐五年黃裳榜擢第終於衡州茶陵令貫之字以
道後改名又元祐六年馬涓榜擢第張君向辟爲計司屬官
終於朝散郎知懷州武德鎮致仕享年六十七娶張氏封安
人卽節度君之高祖也生六子周同岡冊丹甬皆業進士說

之建炎五年李易榜擢第授鄧州文學後攝濟陰主簿阜昌
二年通判興仁軍府事張君檄文商文學案勤學古可使入
官今保舉堪赴吏部注擬差遣竟不就享年六十娶傅氏卽
龍圖公之女孫也四子默點勳黯默後改名休復字子參風
儀秀整襟量夷曠博學有文老居汴梁娶江氏卽金紫公鄰
幾女孫也有陶工先生文集行於世謚九舉終場建中靖國
元年恩賜進士第終於虔州大庾令因紹聖四年何昌言榜
擢第終於通仕郎開德府臨河縣令三子大有大聲大臨周
宣和元年以父守朝散郎致仕奏補累官至通直郎開德府
濮陽縣丞一子驥岡字元壽建炎二年從劉錫太尉解危滄
州奏補拱轉從事入金朝換忠勇校尉享年七十二卽節度
君之曾祖也初娶周氏再娶鄭氏二子駒馳毋字元功丹字
遺山先生集

卷三十九

二

陽泉山莊

大忠後改名愈字師心爲施內翰朋望詩酒之交生二子驥
騏皆蚤世甬字子華俱以儒業顯于鄉里學者宗之祖駒字
士龍兩赴庭試天資和雅博學強記教授鄉里泰和元年五
月十五日以壽終享年七十一祖母郝氏封宜人三子長永
錫字難老次敷錫字福老次康錫字吉老難老用公貴及封
朝請大夫致仕妣王氏濮陽郡太夫人三子仲曰道字正叔
滑稽豪俠有古人風季曰衍字信叔穎悟蚤世公朝請君之
長子也字平叔幼從祖學長師鄉先生李若訥若訥愛其才
每器重之年一十五擢崇慶二年黃裳榜詞賦進士第釋褐
主鄆州洛交簿以廉能換鄆縣尋辟威戎令時興定己卯歲
飢民無所於糴公乃開倉賜濟然後白之行臺賴以全活者
甚眾夏六月地震城郭摧圮夏人乘釁入寇公率領蕃部土

豪守禦應敵保以無虞秩滿縣人爲之立祠再辟原武令以例罷入爲尙書省掾歷糧草邊關知管差除三房攷再滿授戶部主司兩月擢拜監察御史媿母郕國夫人不時入禁中干豫政事聲勢甚張公拜章極言自是郕國被召乃敢延見宗室帥慶山奸軍進南歸州失利朝廷置而不問公建言自古敗軍之將必正典刑不爾則無以謝天下詔爲決杖八十因而退罷戶部侍郎權尙書曹溫時一女在掖庭從史親舊干豫權利其家人填插諸司貪墨張露而臺官無敢言者公歷數其罪詔罷溫戶部改太后府衛尉公再上章若臣言溫果可罪當貶逐溫無罪則臣爲妄言豈有是非不別而兩可之哀宗爲之動容乃出溫爲汝州防禦使未幾改右司都事朝廷知公蓋將大用矣改同知河平軍節度使事不赴奏充

遺山先生集

卷三十九

上

陽泉山莊

樞密院經歷官遙領同知昌武軍節度使事丞相完顏莘公領陝西行臺奏公偕行充左右司員外郎仍佩以金符密院表留有旨行臺地重急於用人可從丞相奏自是臺務一決於公矣明年召還行臺再奏留之又明年丁內艱乃得還平章政事蕭國侯公塞京東河決奏公以左右司郎中從行正大八年十月起服中充秦藍總帥府經歷官正月河潼失守召主帥入授二月九日軍至陝將由間道之長水界與北軍遇相拒大雪中士卒飢凍不能戰主帥兀典棄眾降敵公爲北軍所得令去中公瞑目大噓曰汝欲脅從我邪我終不能降同望闕瞻拜曰主將無狀凶兵失利臣之罪責亦無所逃但一死報國耳遂拔佩刀自剄時年四十有六褒贈正奉大夫昌武軍節度使初娶鄧氏繼娶鄭氏並封濮陽郡夫人子

男二人長曰挺字孟卿業進士次曰援字仲經女一人適進士劉茂孫男七人琥璘璿瑋皆業進士瑋璘瑄及女孫二人尙幼初河間許古道眞以直言極諫稱於德陵朝正大初詣闕拜章言八座皆非其材省寺小臣有可任宰相者不大陞黜之則無以致中興章奏召道眞赴都堂問孰爲可相道眞以尙書省掾商衡對當是時上新鄴大位經畧四方思所以宏濟艱難者爲甚力道眞已得請居伊川卽命驛召致之復右司諫天下相望風采道眞亦慷慨願以人所不敢言者爲天子言之及論天下事首以公爲可相則公之材爲可知矣公事長上以禮接下以誠與人交敦終始家居怡然無愠容性嗜學藏書數千卷古今金石遺文人所不能致者往往有之南渡以來士大夫以救世之學自名高者闕畧而無所統

遠山先生集

卷三十九

七

陽泉山莊

紀下者或屑屑於米鹽簿書之間公天資雅重遇事不碌碌人所不能措手者率優爲之苟可以利物則死生禍福不復計平居以大事自任而人亦以大任期之評者至今以公用違其長使之卒然就一死爲斯世惜也故好問銘其墓云云按公所藏及記錄者有唐武德三年遠祖司空勛國公問山誥有體質平允才器敏洽宣力義旗功參造昧可吏部尙書宣和內府物也已下皆晦道堂題詠備在家錄自餘玉牒授之楚尾毛觀復給事中知曹州興仁軍府事三衢盧襄贊元濟北李那商老任庭玉鄧忠臣山東路提刑使濟陰賀公叟楊庭東平路轉運使鄉先生李上達及子省元防方平濮州軍事判官林棣姚建榮興祖尙書左丞壽國公金城高汝驪巖甫同知臨洮府事兼積石州刺史平陽孔天監偉明尙書右丞汶水賈守

謙益之諫議大夫淳南許古道真戶部尚書權參知政事臺
山楊造叔玉尚書左丞日照張行忠信甫平章政事蕭國公
東阿侯摯莘卿大司農戶部尚書相人張正倫公理等書札
詩篇在家錄翰林應奉東明王鷲百一嘗作詩詞云出知外縣

凜乎其德讓之遺入掾中臺魁然有宰輔之望禮部閑閑趙
公許與公有鵬飛九萬里風斯在下之語其爲時賢所推重
如此尙何待僕言正叔以通家之故請爲千秋錄作後記因
得件右之或疑商氏名德相望而報施未豐者竊以水喻之
今夫流泉出戶罅間從濫觴之微涓涓而不絕及其合支流
會眾川儲蓄淵渟盡洞泆舒徐之態鼓之以長風驅之以迅
雷泄雲雨而涵鬼物雖有千石之舟十丈之檣遲回顧盼而
不敢發蓋從微至著而有本者必如是耳今孟卿館嚴侯之
遺山先生集卷三十九
古 陽泉山莊

書

故物譜

子家所藏書宋元祐以前物也法書則唐人筆迹及五代寫
本爲多畫有學范許郭諸人高品就中薛稷六鶴最爲超絕
先大父銅山府君官汲縣時官賣宣和內府物也銅祿兩小
山以洒沃之青翠可摘府君部役時物也風字大硯先東巖
君教授鄉里時物也銅雀屏背有大錢一天祿一堅重緻密
與后無異先隴城府君官冀州時物也貞祐丙子之兵藏書

壁間得存兵退子將奉先夫人南渡河舉而付之太原親舊
家自餘雜書及先人手寫春秋三史莊子文選之等尚千餘
冊并畫百軸載二鹿車自隨三所則座之鄭村別墅是歲寓
居三鄉其十月北兵屢潼關避於女几之三潭比下山則焚
蕩之餘蓋無幾矣今此數物多子南州所得或向時之遺也
往在鄉里常侍諸父及兩兄燕談每及家所有書則必枚舉
而問之如曰某書買於某處所傳之何人藏之者幾何年則
欣然志之今雖散亾其綴緝裋褙籤題印識猶夢寐見之詩
有之雜桑與梓必恭敬止以子心忖度之知吾子孫卻後當
以不知吾今日之爲恨也或曰物之閱人多矣世之人玩於
物而反爲物所玩貪多務取巧偷豪奪遺簪敗履惘然興懷
者皆是也李文饒志平泉草木有後世毀一樹一石非吾子
遣山先生集 卷三十九 五 陽泉山莊

孫之語歐陽公至以庸愚處之至於法書名畫若桓女之愛
玩王涯之固護非不爲數百年計然不旋踵已爲大有力者
負之而趨我躬之不可必奚我後之副哉子以爲不然三代
鼎鐘其初出於聖人之制今其款識故在不曰永用享則曰
子子孫孫永寶用豈爲聖人者超然遠覽而不能忘情於一
物耶抑知其不能必爲我有而固欲必之也蓋自莊周列禦
寇之說盛世之誕者遂以天地爲逆旅形骸爲外物雖聖哲
之能事有不滿一笑者況外物之外者乎雖然彼固有方內
外之辯矣道不同不相爲謀使渠果能寒而忘衣飢而忘食
以游於方之外雖渺萬物而空之猶有託焉爾如曰不然則
備物以致用守器以爲智惟得之有道傳之無媿斯可矣亦
何必卽空以遺累矯情以趨達以取異於世耶乃作故物譜

丙申八月二十有二日洛州元氏太原房某引

遺山先生集卷第三十九

卷三十九

夫

陽泉山莊



遣山先生集卷第四十

元張德輝頤齋類次 平定後學張穆廉友校梓

上梁文

南宮廟學大成殿上梁文

見耶偉竊以窮則變變則通聖人之道所以互萬世而無敝
庶而富富而教司徒之官所以敬五典之克從方屬靈臺偃
伯之秋宜有庠序盈門之勝眷紫微之舊治肇清廟之新基
緊改作之良難知樂成之有在中國有詩書之教風以動之
癯老思德化之成今其時矣敢竊闕官之義以佐武城之歌
兒耶偉拋梁東井邑弓刀變舊風孝悌力田從此始衣冠禮
樂有儒言

南極目農郊露氣酣五畝樹桑明府教馬鳴無用說宜蠶

遣山先生集

卷四十

陽泉山莊

西木鐸新聲換鼓鼙學館大亨知有日富兒未用笑朝蕃

北草創古來須潤色妙年令佐嚮儒風子弟於今有矜式

上漢日鄉賢多將相儒林發藻廣川君金壁光苾三萬丈

下弦誦洋洋新美化朝家頻賜鶴頭書長吏今年應勸駕

伏願上梁之後生徒石室常師蜀郡之文翁保障繭絲不媿

晉陽之尹鐸旁沾鄰郡共洽文明

南陽廡署上梁文

拙以力巧以勞野人養君子之義政有居訟有所國家謹官

府之常緊改作之果難宜樂成之有在爰從舊邑改隸新州

一朝公廡之遞遷三政民居之雜處吏卒靡瞻依之地簿書

失局鑄之嚴加之儻直稍憇公移卽至度則計役有司誠憚

於紛更習陋安卑職者亦爲之竊笑眷惟吾土今號名藩田

則九州上腴人則四方和會山連峴首如瞻大將之鼓旗樹
入春陵猶有故鄉之城郭豈有官爲十萬戶之長地方二千
里而遙陛級不爲之少崇繩墨自拘之如此後逸

外家別業上梁文

窮於途者返於家乃人情之必至勞以生而佚以老亦天道
之自然方屬風霜匱薄之餘而有里社浮湛之漸茲焉卜築
今也落成遣山道人蟬蠹書癡雞雜祿薄猥以勃窣槃跚之
迹仕於危急存亡之秋左曹之斗食未遷東道之戈船已御
久矣公私之俱罄困於春夏之長圍窮甚析骸死唯束手人
望荆兄之通好義均紀季之附庸出涕而女於吳莫追於既
往下車而封之杞有覬於方來謀則僉同議當孰抗爰自上
書宰相所謂試微軀於萬仞不測之淵至於喋血京師亦常

遣山先生集

卷四十

二

陽泉山莊

保百族於羣盜垂涎之口皇天后土實聞存趙之謀枯木死

灰無復哭秦之淚初一軍搆亂羣小歸功劫太學之名流文

鄭人之逆節命由威制佞豈願爲就磨甘露御書之神細刻

錦溪書叟之筆蜀家降款具存李昊之世脩趙王禪文何豫

陸機之手迹

文選謝平原內史表

伊誰受賞於我嫁名悼同聲同氣之

間有無罪無辜之謗耿孤懷之自信聽眾口之合攻果吮癰

舐痔之自甘雖竄海投山其何恨惟彼證龜而作鼈始於養

池以成蛇追韓之騎甫還射羿之弓隨穀

子北渡之初獻書中令君請以一寺

觀所費養天下名士造誘者二三亦書中敘舉之類也

以流言之自止知神聖之可憑

復齒平民僅延殘喘澤畔而湘纍已老樓中而楚望奚窮懷

先人之蔽廬可憐焦土眷外家之宅相更愧前途豈謂事有

幸成計尤私便東諸侯助竹木之養王錄事寄草堂之贊占

松聲之一工

東皋子北山賦菊
花兩岸松聲一工

近桃花之三洞

子此別業與
白子西所居

相東牆西壁無補折之勞

上雨旁風有閉藏之固已與編戶
細民而雜處敢用失侯故將而自名因之挫銳以解紛且以

安常而處順老益濁酒便當接田父之歡春韭晚菘尚媿奪

園夫之利彼扶搖直上擊水三千韋杜城南去天尺五坐廟

堂佐天子蓋有命焉使鄉里稱善人斯亦足矣輒取合歡之

意演爲助役之謠

兒郎偉拋梁東人笑家山蕙帳空

老大讀書無用處且將耕
穫教兒童

南羊谷山中好石翁杖屨一遊無脚力會稽禹穴更須挨

西未要坊名改碧雞種下五株桃樹子本無心學浣花溪

北老怯寒冬思密室嶺頭騎馬是官人萬里風來沙土黑

遣山先生集

卷四十

上何人落日心猶壯雲間道有少微星兩眼眇昏無復望

下百尺長松遠茅舍他年拈出次山詩七十腰鎌行時稼

長松
萬株遠茅舍又云老公七十自腰鎌將
引兒孫行時稼此吾家次山公詩也

伏願上梁之後里仁爲美鄰德不孤子期永作知音

曹子期
吾先友

季鷹蚤思命駕

張緯文留
滯燕京

起居飲食身爲無事之人伏臘歲

時家有長生之釀旁沾親舊共樂安間

青詞

太夫人五七青詞

思重託身生成之義等禮名猶子嗣續之道存痛卵翼之未

終忽楮捲之永棄敢伸悃悃仰訴昊蒼

中謝

伏念臣母張婦

者其道公所以拊臣者其勤盡三釜得暫榮之祿百身無可

者其道公所以拊臣者其勤盡三釜得暫榮之祿百身無可

者其道公所以拊臣者其勤盡三釜得暫榮之祿百身無可

者其道公所以拊臣者其勤盡三釜得暫榮之祿百身無可

者其道公所以拊臣者其勤盡三釜得暫榮之祿百身無可

者其道公所以拊臣者其勤盡三釜得暫榮之祿百身無可

者其道公所以拊臣者其勤盡三釜得暫榮之祿百身無可

贖之年涓埃之願莫施風樹之悲曷已惟幽誠之有假或冥
福之可徵敬叩玄科竊依眞廕土灰有望儻沾再造之仁草
木何知永戴曲全之賜

劉宣撫設醮青詞

威然後懲恆情之必至救而不棄大道之曲成惟洪纖同萬
化之歸故幽顯靡一誠之間敢殫悃悃仰叩希夷

中謝

伏念

臣某塵劫賦形昏衢失步偶會崩離之遇妄從角逐之餘出
入兩州因循十稔豈微勞之可錄徒多罪之與俱果令暮景
之桑榆尋蹈畏塗之荆棘憂虞甫集喪病踵來暴貴非祥固
退藏之已晚孤根易槁在摧折以何堪悔莫自追孽將安追
眷渙衷之有假尙後福之可徵載舉玄科竊依眞廕恭惟至
公立德宏濟爲仁閱其翺飛蠕動之愚重以氣化形生之賜
遺山先生集 卷四十

四

陽泉山莊

土灰有望儻霑善貸之私溝壑未填學是自新之日

張喜千戶青詞

暴貴無漸一歸自召之蓄大德曰生萬有必從之欲敢殫悃
悃仰叩希夷臣某腐朽餘生編齊庶品匪時緣之幸際撫氣
質以奚堪戶封已迫於通侯子壻繼聯於鼎族滿盈之極負
乘是憂果罹瘞天之殃危失保家之長尙賴至仁之宏濟庶
幾大道之曲成恭按玄科竊依眞廕自同草土固所謝之莫
知未卽灰釘惟改新之永誓

樊守謝土詞

營建非時事關於倉卒陰陽干禁理藉於祈禳恭扣玄科切
依眞廕有相之道何知陰陽之私永建爾家尙覬曲成之賜

郡守天池祈雨狀

維大歲甲辰四月辛未朔二十四日甲午忻州某官等惶恐
百拜獻狀天池龍君殿下惟神血食一方膏潤千里靈應之
迹著見有年某等資品凡陋德薄任重不能撫安閭里召迎
和氣自開歲以來雖嘗被一溉之賜旣雨而旱今已十旬夏
苗欲枯秧稼無望民庶嗷嗷將遂遭播匪我神明則將疇詎
乃涓吉且謹遣管內僧某道士某躬請靈湫奉迎甘澤某卑
職所限止於道左願俟雲輿風馬尙辱臨之不勝懇禱之至
謹狀

祭文

祭飛蝗文

粵惟此州百道從出調度之急膏血旣枯懸望此秋以紓日
夕沴氣所召百騰踵來種類之繁蔽映天日如雲之稼一飽
遺山先生集 卷四十 五 陽泉山莊
莫供道路嗷嗷無望卒歲考之傳記事有前聞魯公中牟今
爲異政貪墨汝罰詎曰弗靈言念茲時瀕於陸沈吏實不德
民則何辜歲或凶荒轉死誰救敢殫志願神其憫之

爲第四女配婿祭家廟文

維太歲辛亥十二月丙辰朔十有四日己巳孝會孫元某謹
以家奠敢昭告於顯曾祖忠顯府君曾祖妣王氏顯祖朝列
大夫銅山府君顯祖妣河南縣太君趙氏顯伯考贈中順大
夫東巖府君顯伯妣河南郡太君王氏顯考廣威隴城府君
顯妣河南縣太君張氏先以庚戌八月爲第四女擇配得世
官張氏之長子興祖作婿家居龜筮叶吉今正是時廟授有
儀式伸虔告尙饗

維大朝癸卯歲八月己巳朔五月己酉哀子某謹以家奠敢
昭告於先妣國夫人蘇氏之靈負靈蒙累貽禍庭闈龜筮告
期迫於襄事尙假殘息勉瀝血誠維先夫人系繇鼎族天作
之配嬪於我家婦德有光母儀克備彤管所擬於古無慙維
我嚴君蚤逢昌運仕非爲己義不及私家政所由倚之中饋
悉力一志以濟時康寅亮天功實資內助謂當陽報俾壽而
康如何盛年奄棄榮眷相彼庶品資於坤元得一靡常倏焉
傾圮藐是營獨託體何從創鉅痛深百實奚贖人皆有母今
我獨無哀哀昊穹忍此荼毒終天一慟五內崩離嗚呼哀哉
伏惟尙饗

題跋

跋國朝名公書

遺山先生集

卷四十

六

陽泉山莊

任南麓書如老法家斷獄網密文峻不免嚴而少恩使之治
京兆亦當不在趙張三王之下黃山書如溪山道人草衣木
食不可以衣冠禮樂束縛遠而望之知其爲風塵表物黃華
書如東晉名流往往以風流自命如封胡羯末猶有蘊藉可
觀閑閑公書如本色頭陀學至無學橫說豎說無非般若百
年以來以書名者多不媿古人宇文大學叔通王禮部無競
蔡丞相伯堅父子吳溪州彥高高待制子文耳目所接見行
輩相後先爲一時任南麓趙黃山趙禮部龐都運才卿史集
賢季宏王都句清卿許司諫道眞爲一時龐許且置若常承
旨正書八分閑閑以爲百年以來無與比者篆字則李陽冰
以後一人郭忠恕徐常侍不論今卷中諸公書皆備而竹溪
獨見遺正如鄴中賓客應劉徐阮皆天下之選使坐無陳思

王則亦不得不爲西園清夜惜也歲甲午三月二十有三日

題樗軒九歌遺音大字後

昨國公詩筆圓美字畫清健南渡以後楊趙諸公無不歎賞
有不待言者公家所藏名畫當中祕十分之二客至相與展
玩品第高下至於筆虛筆實前人不言之祕皆纖悉道之故
時人推畫中有鑒裁者唯公與龐都運才卿李治中平甫三
二人而已子意公畫亦必入品而世未嘗見蓋詩與畫同源
豈有工於彼而不工於此者如前所書九歌遺音謂非李思
訓著色趙大年小景可耶九歌遺音易曲山蘅東山人蒼檜
千章竹萬年嶺頭雲自問杏花殘
欲春闌立玉峯前水一灣鷗飛落照閒
正大三年季春二十三日爲松庵書

跋閑閑自書樂善堂詩

遺山先生集

卷四十一

七

陽泉山莊

人皆有兩足不踐荆棘地人皆有兩手不斲虎兕齒如何身
與心擇善不如是從善如登天從惡如棄屣而於趨舍乖知
之不審耳盜跖膾人肝顏子一瓢水均爲一窖塵誰光百世
祀較其得失閒奚翅千萬里所以賢達人去彼而取此道腴
時雋永世味不染指作詩銘吾堂兼以助諸已閑閑公此詩
爲他人作而皆公日用之實古人謂有德者必有言又曰立
言踐行公無媿焉今日見公必盡口其辭旨不覺斂衽生敬
公嘗爲襄城廟學作省齋銘云言有非邪行有違邪君子之
棄而小人之歸邪銘不滿二十言而於三省之義委曲備盡
可以一唱而三歎惜今世不傳因附於此癸丑六月吉日門
生河東元某謹書

二張皆人豪不應以責文士者責之書粗記姓名已爲過望
況工妙如此耶

跋蘇黃帖

蘇黃翰墨片言隻字皆未名之寶百不爲多一不爲少尙計
少作邪

跋松庵塢文書

士大夫有天下重名然其詩筆字畫大有不能稱副者閑閑
公有言以人品取字畫其失自歐公始如吾松庵文詩筆字
畫皆不減古人以人品取之歐公之言亦不爲過必有能辨
之者

跋蘇叔黨帖

叔黨文筆雄贍殊有鳳毛坡嘗云海外無以自娛過子每作
遺山先生集 卷四十 八 陽泉山莊

文一篇輒喜數日蘇氏父子昆弟文派若不相遠俗子乃疑
黃樓賦坡亦嘗辨之颺風賦亦謂非坡不能作不然亦當增
入筆點竄之也風俗薄惡如此文賦且不論至如叔黨此帖
其得意處豈亦坡代書耶可以發一笑也閏月十八日書

跋東坡和淵明飲酒詩後

東坡和陶氣象祇是坡詩如云三杯洗戰國一斗消強秦淵
明決不能辦此獨恨空杯亦嘗持之句與論無弦琴者自相
矛盾別一詩云二子真我客不醉亦陶然此爲佳丙辰秋八
月十二日題

跋蘇氏父子墨帖

次公字畫端愿而靖淡類其爲人小坡筆意稍縱放然終不
能改家法杞國節士八大字某不能識其妙處故不敢妄論

甲寅閏月十有七日同覺師太中清涼僧舍敬覽

題許汾陽詩後

眼醫許太丞彥清示其從祖汾陽君山水圖詩語意高妙而其字畫與明昌詞人龍巖黃華黃山諸公各自名家世尤寶惜之其子右司諫道真亦以能書稱今以汾陽筆法較之父子如出一手生平亦嘗見蔡大學安世大丞相伯堅濰州使君伯正甫三世傳字學雖明眼人亦不能辨前輩守法蓋如此汾陽守澤州日戒子云裏相任唾面周廟貴緘口寸陰大禹惜三命考甫走吾河東人至今傳誦之司諫在貞祐興定間直言極諫與陳公正叔齊名時號陳許父子名流在中朝百餘年少有似者而彥清承其後何其幸邪彥清隱於技者三十年技既高又所至以善良稱謂之稱其家蓋無媿也遺山先生集卷四十九陽泉山莊

卷四十九

九

陽泉山莊

此詩渠家青種其寶祕之當令後人知世德之所自云丙辰夏六月二十一日晚進河東元某謹書

毛氏家訓後跋語

渭南君避地中方正卿方從事洛陽之西樞君手書戒敕以公清廉正不昧神理爲言內翰王君伯翼述之備矣某向在汴梁婦翁提舉以宗盟之故與君通譜謀相好善已數十年矣兩君資稟高亮畧相彷彿言行之間有不期合而合者提舉馳驛方城御史以私憤橫造飛語遂陷詔獄一償而不復振無所告語書與渭南敘述始末終之以許國之誠唯天地神祇可知朝廷雖復知誣染亦無爲昭雪之者此書正卿亦嘗見示因得并渭南手筆紬繹之私竊慨嘆東坡有言人無所不至唯天不容僞王辰之亂侯王家世之舊忠賢名士之

裔不顯什於草野則流離於道路者多矣大名毛氏將絕而復續稍微而更熾河潤九里澤及中表孰謂不有以敬之吾知中方執筆之際渭南之子孫弟姪固已安居於雞水之上矣已酉冬某自燕還幕府館客勤甚公夫人子姨也護觀世德名氏敢以蕪辭繼於王內翰之後十一月二十六日姪壻河東元某斂衽書

大瀋跋張仲可東阿鄉賢記

東阿進士張仲可以鄉先生平章政事壽國張公參知政事翰林學士承旨高公平章政事蕭國侯公而下由文階而進者凡二十有三人既列其姓名刻之石又謄寫別本以示同志僕意以爲壽公初諫立元妃李氏再諫山東軍括地以爲得軍心而失民心其禍有不可勝言者言既不聽卽致相印

遺山先生集

卷四十

十

陽泉山莊

而歸風節凜凜當代名臣無出其右者蕭公行臺東平威惠並舉山東父老焚香迎拜有太平宰相之目承旨公之死節雖古人無以加雖不見於金石孰不敬而仰之自餘二十人不見行事徒記爵理僕竊以爲未盡何則追述先賢鄉里後生實任其責柳子厚先友紀近世名臣言行錄有例也至於大縣萬家歷承平百年之久風化之所涵養名節之所勸激一介之士時命不偶齎志下泉以與草木同腐者亦何可勝數誠使見之紀錄如汝南先賢襄陽耆舊以垂示永久此例獨不可援乎仲可名家子有志於學故敢以相告見賈丈顯之嘗試問之以爲如何歲丁巳夏五月二十六日河東人元某謹書

山水家李成范寬之復郭熙爲高品熙筆老而不衰山谷詩
有郭熙雖老眼猶明之句記熙年八十餘時畫也近世太原
張公佐山間風雨有入神之妙年八十六乃終平生遺蹟河
東往往有之公佐之後得紫微劉尊師尊師愛畫山水脫得
郭熙平遠四幅愛而學之自是畫筆大進今年九十有七爲
門弟子邵抱質作春雲出谷湖天清畫千崖秋氣雪滿羣山
殊有典刑抱質請予題記因爲書之此翁定襄人童卯入道
道行高潔而邃於立學吾夫子謂人之生也直者於茲見之
子恐後人閱翁此筆但與郭熙公佐論優劣而不知其道行
如此立學如此故表出之歲癸丑冬十月旦郡人元某記

題學易先生劉斯立詩帖後

學易先生詩絕似東坡和陶不應入江西派閑閑之論定矣

遺山先生集

卷四十

十一

陽泉山莊

此詩子初到崧山時會見之能得其意而不能記其辭搜訪
一十年北渡後將還太原過東郡乃復見之鄉人王清卿家
愛之深而不見之久煥若神明頓還舊觀故喜爲之書子家
唐劉長卿詩學易堂舊物是先生手所較本題云壬午六月
就夏英公孫儀公家本校之字畫楚楚如唐人書盤谷序又
儀真令諱蹟者皇統宰相宣叔之父是先生昆弟行有詩文
二冊號南榮集宣叔錄之以備遺忘亂後唯子家有之然則
子於學易劉氏豈世之所謂緣熟者邪戊戌八月六日謹書

跋龍巖書柳子厚獨覺一詩

龍巖此卷大字學東坡而稍有斂束故步仍在末後四行二
十二字如行雲流水自有奇趣唯其在有意無意之間故如
出兩手耳

題閑閑書赤壁賦後

夏口之戰古今喜稱道之東坡赤壁詞殆戲以周郎自況也
詞纔百許字而江山人物無復餘蘊宜其爲樂府絕唱閑閑
公乃以仙語追和之非特詞氣放逸絕去翰墨畦逕其字畫
亦無媿也辛亥夏五月以事來太原借宿大悲僧舍田侯秀
實出此軸見示閑閑七十有四以壬辰歲下世今此十二日
其諱日也感念疇昔悵然久之因題其後赤壁武元眞所畫
門生元某書

遺山先生集

卷四十

三

陽泉山莊

遺山先生集附錄

海陵儲瑾柴墟輯

無錫華希閔豫原增

烏程施國祁北所續增

陵川集本遺山先生墓銘

歲丁巳秋九月四日遺山先生卒於獲鹿寓舍十日計至經
走常山三百里已馬昇歸葬燕文酌酒哭於畫像之前而已
先生於家君同受業於先大父經復逮事先生者有年義當
敘而銘之詩自三百篇以來極於李杜其後纖靡淫豔怪誕
癡澀寢以弛弱遂失其正二百餘年而至蘇黃振起袁路益
爲瑰奇復於李杜氏金源有國十務決科千祿置詩文不爲
其或爲之則羣聚訕笑大以爲異委墜廢絕百有餘年而先
遺山先生集 附錄 一 陽泉山莊
生出焉當德陵之末獨以詩鳴上薄風雅中規李杜粹然一
出於正直配蘇黃氏天才清瞻邃婉高古沈鬱大和力出意
外巧縛而不見斧鑿新麗而絕去浮靡造微而神采粲發雜
弄金璧糝飾丹素奇芬異秀洞蕩魂魄看花把酒歌謠跌宕
挾幽并之氣高視一世以五言雅爲正出奇於長句雜言至
五千五百餘篇爲古樂府不用古題特出新意以寫怨思者
又百篇餘用今題爲樂府揄揚新聲者又數十百篇皆近古
所未有也汴梁亡故老皆盡先生遂爲一代宗匠以文章伯
獨步幾三十年銘天下功德者盡趣其門有宗有法有例有
趣又至百餘首爲杜詩學東坡詩雅錦機詩文自警等集指
授學者方吾道壞爛文曜曠昧先生獨能振而鼓之揭光於
天俾學者歸仰識詩文之正而傳其命脈繫而不絕其有功

於世又大也每以著作自任以金源氏有天下典章法度幾及漢唐國史興已所當爲而國史實錄在順天道萬戶張公府乃言於張公使之聞奏願爲撰述奏可方闕館爲人所沮而止先生曰不可遂令一代之美泯而不聞乃爲中州集百餘卷又爲金源君臣言行錄往來四方采摭遺逸有所得輒以寸紙細字親爲記錄雖甚醉不怠於是雜錄近世事至百餘萬言捆束委積塞屋數楹名之曰野史亭書未就而卒嗚呼先生可謂忠矣先生諱好問字裕之太原定襄人系出拓拔魏故姓元氏曾大父某大父某父某妣某氏先生七歲能詩太原王湯臣稱爲神童年十一從其叔父官於冀州學士路宣叔賞其俊爽教之爲文年十有四其叔父爲陵川令遂從先大父學先大父卽與屬和或者譏其不事學業先大遺山先生集

附錄

二 陽泉出志

父言吾正不欲渠爲舉子爾區區一第不足道也遂令肆意經傳貫弗百家六年而業成下太行渡大河爲箕山琴臺等詩趙禮部見之以爲少陵以來無此作也以書招之於是名震京師目爲元才子登興定五年進士第不就選往來箕嶺者數年而大放厥辭於是家乘其什人嚼其句洋溢乎里巷吟諷於道途巍然坡谷復出也正大中辟鄧州南陽令南陽大縣兵民十餘萬帥府令兼鎮府甚有威惠以太夫人衰疾辭劇致養轉內鄉令丁艱憂終喪詔爲尙書都省掾天興初入翰林知制誥金公不仕而卒春秋六十有八卒之某月日葬定襄之先塋前配太原張氏再配臨清毛氏子男三人曰某某女三人長適進士程端甫次爲女冠次適張某銘曰士子賈技爭綴緝僥倖寸祿奔走急以爲詩文作無益糞壤擲

奔明月壁先生卓犖有異識振筆便入蘇黃室開闢文源廓
荆棘大聲復完金玉擊爛漫長醉思盈溢瑞錦秋花亂堆積
險妬護前喘肝臆羣犬舐舐共說嫉塵埃野馬爲鬼賊遺山
巖巖倚天壁國史興喪是吾職義烈不負董鳴筆定襄高寒
拓跋國馬舛歸葬反玄宅有書有傳俱未卒嗚呼先生端可
惜嗚呼先生不可得

祭遺山先生文

維年月日陵川郝經謹以清酌之奠致祭於遺山先生之靈
嗚呼氣數之窮靡物不壞或者不論胥乃造物者之所在造
物之所在宜莫不生而奪於成是理其可明嗚呼先生萃靈
蜚英羈卮宜學嶽嶽稜稜碩士鴻儒莫不震驚以爲聞世生
閑閑初見公文渡南河而爲名公入京師而爲名鄉張洞庭
曰是聞世生者

遺山先生集

附錄

三

陽泉山莊

之天音引岐山之鳳鳴方雷厲以風飛挾鴻章而振纓挫萬
象於筆端倒河漢而一傾攄塵言與滯思淪錮濁以爲清闢
斯文之洪源伸灑汗而淵澄而乃卜蔡淪亡蜚血凌城氣數
具盡萬化崩騰時維先生獨矯首而行挽隤岷之日慧欲曙
之星收有金百年之元氣著衣冠一代之典刑辭林義藪文
煥程獨步於河朔者幾三十年豈非造物者之所在而斯
文如將興耶去魯西來聿峻有聲天奎不世遂入杳冥筆未
獲麟年未中壽而奪去之遽彼造物者果可明耶嗚呼先生
雅言之高古雜言之豪宕足以繼坡谷古文之有體金石之
有例足以肩蔡党樂章之雅麗倩致之幽婉足以追稼軒其
籠罩宇宙之氣撼搖天地之筆囚鎖造化之才穴洞古今之
學則又不可勝言人得其偏先生得其全天不假之年嗚呼

哀哉先生雖死文或不死是謂亡而不死先生雖可哀吾徒
無所仰尤爲可哀也嗚呼哀哉尙饗

元遣山真贊

其才清以新其氣爽以春其中和以仁其志忠以勤不啻蔡
辛與坡谷爲鄰歌謠慷慨喜氣津津唾玉噴珠看花飲醇而
乃焚香讀易坐席凝塵假耶真耶嗚呼復幾千年更有茲人
也耶

原古上元學士

麟死九鼎淪萬世無孔孟文字糠粃餘扶藉不絕聖伊昔大
觀季天王始失政中聲入哇淫吾道孰不競金源東北來一
洗河海淨斯文甚濫觴幾墜土梗橫吳楚割半天瘡夷僅續
命伊洛遽齏騰朱張立朝廷弘肆六藝學俾與日月並中原
遣山先生集

附錄

四

陽泉山莊

有奇才詞賦方館釘天門黃金榜赫耀動萬姓君臣此爲得
父師此爲令或者誦詩文環視驚盼躡執意元化精不遂人
昏墮浚發自蔡兗高步出遼夏墨浸天壤深筆掃風竊勁絲
綸帝載熙訓誥王言瑩諸公繼踵作五執造化柄黃山與黃
華雙鳳高踏蹬清風玉樹鳴千古一輝映有若閑閑公光彩
壁月恒雲煙恣揮灑乾坤快歌詠疊疊金聲鏗矯矯銀鉤硬
楊馬李雷麻疑萼胥倡應玉行連麗天四海望而敬偉哉遺
山老青雲動高興文林剗荆棘翰府開蹊徑秋空玉琴張搏
拊分雅鄭三閭一曲歌忽喚劉伶醒哀哀汴蔡亡六合爲懸
磬此老獨巍然聲價駭羣聽振袂凌孤霞珠壁飛欵磬人宗
一代文天賦百年盛紛紛夸毗子捫撫爲訾評自謂人勝天
詎知天已定行行野史成共爲天下慶作噩建子目投我以

照乘蒨屋驚見斗寒焰忽蟠亘經也生已晚不獲拜先正窮
閣一束書十載成墮餓學問苟有歸貧窶安足病今乃得溟
渤問津有龜鏡挈我登龍門縷我出虎奔搖搖風中旌茲始
見依憑緬思先世擇於今果無嗚呼世道喪欲語寒淚迸
何時倒銀漢與世開馳詭昂頭冠三山俯瞰旭日晟陸海關
文源生民共涵泳

壽元內翰

秋風颯颯吹庭梧長庚吐焰橫太虛遺山先生曳長裾醉鞭
黃鶴來天隅蹴開化窟肆搜取玉斗倒瀉明戶珠九原呼屈
原底事爲焦枯青雲問李白佳句今何如百年元氣一杯酒
千丈光輝萬卷書高卧一曲歌聲價百碑礫雲敷宮徵奏玉
宇春鶯花柳鳴天衢惜哉時不與命偶西周削弱爲東都明
遺山先生集 附錄 五 陽泉山莊

辨磨甘露碑

國賊反城自爲功萬段不足仍推崇勒文頌德召學士滹南
先生付一死林希更不顧名節兄爲起草弟親刻省前便磨
甘露碑書丹卽用宰相血百年涵養一塗地父老來看關流
涕數檜黃封幾斛米賣卻家聲都不計盜據中國責金源吠
堯極口無視顏作詩惟告曹聽翁且莫獨異元遺山

游華山寄元裕之

趙秉文

我從秦川來徧歷終南游暮行華陰道清仲明雙眸快東風
一夜橫作惡塵埃咫尺迷崑山神戲人亦薄相一杯未盡

陰霾收但見兩崖巨壁挿劍戟流泉夾道鳴琳瑯希夷石室
綠蘿合金仙鶴駕空悠悠石門劃斷一峯出婆娑石上爲遲
留上方可望不可到崖傾路絕令人愁十盤九折羊角上青
柯平土得少休三峯壁立五千仞其下無址旁無儻巨靈仙
掌在霄漢銀河飛下青雲頭或云奇勝在高頂腳力未易供
冥搜蒼龍嶺瘦苔蘚滑嵌空石磴誰雕鏤每憐風自四山而
下不見底惟聞松聲萬壑寒颼颼捫參厯井到絕頂下視塵
世區中囚酒酣蒼茫瞰無際塊視五岳芥九州南望漢中山
碧玉簪亂抽况復秦宮與漢闕飄然聚散風中漚上有明星
王女之洞天二十八宿環且周又有千歲之玉蓮花開寸丈
藕如舟五鬣不朽之長松流膏八地盤蛟虬采根食實可羽
化方瞳綠髮二千秋時聞笙簫明月夜芝輶羽蓋來瀛洲乾
遺山先生集 附錄

六 陽泉山莊

寄裕之

久雨新晴散痺頑一軒涼思坐中閒樹風寫無窮水天未雲
稜不定山宦味漸思生處樂人生難得老來閑紫芝眉宇何
時見誰與嵩山共往還

繫舟山圖 裕之大父嘗居此山之東岩

山頭佛屋五三間山勢相連石嶺關名字不經從我改便稱
元子讀書山

李平甫爲裕之畫繫舟山圖閑閑公有詩某亦繼作

雲翼見中州集

名利走朝市山居長獨難况復山中人讀書不求官東岩有

佳致書室方丈寬彼美元夫子學道如觀濶孔孟澤有餘曾
顏膏未殘向來種德深直與山根蟠之子起其門孤鳳鶩羽
翰計借聊爾耳平步青雲端鳩來遊京師士子拭目觀禮部
天下士文盟今歐韓一見折行輩殆如平生歡舞雩詠春風
期著會點冠五言造平淡許上蘇則壇我嘗讀子詩一唱而
三歎世人非無才多爲才所謾高者足詆訶下者或辛酸吾
子忠厚姿不受薄俗謾晴雲意自高淵水深無湍他日傳吾
道政要才行完會使茲山名與子俱不刊

子端山水同裕之賦 又李乾甫

遼鶴歸來萬事空人間無地著詩翁只留海岳樓中景常在
經營慘淡中

馬圖同裕之賦 韓筆定襄霍益之家物

遺山先生集

附錄

七 陽泉山莊

天馬飛來不苦難雲屯萬騎開元間太平有象韓生筆曾見
眞龍如此閑

書懷繼元弟裕之韻四首 又趙元

著龜不須問我命只自知多生墮宿業世網纏解之驂駟受
羈銜大笑跛鼈遲跛鼈亦復笑縮首甘自卑何必參漆園物
理本自齊檳榔可消穀志士常苦飢穆之萬人雄猶不免此
譏我儒更多病區區欲何爲鐘鼎不可倖藜藿分所宜安能
如黃蜂爲人填蜜脾清白儻少污後人何所貽初學悔大謬

篆刻工文辭年來厭酸鹹淡愛陶潛詩愛詩固自佳其如未

忘機回頭四十年言動俱成非誰能逐世利日久常規規惟
當種溪田與子長相期

窗扉有生意山間春到時長安冠蓋塵游哉不如茲西疇將

有事老農真吾師不見元魯山夢寐役所思遺山乃其後僻
處政坐詩時復一相過照眼珊瑚枝寄書多攜來爲子臥聽
之

少從白衫遊起與山崢嶸一念墮文字腸腹期拄撐多機天
所灾室暗燈不熒拈書枕頭睡鼻息春雷鳥泰山與鴻毛何
者爲重輕蹄涔與渤海誰能較虧盈如能卒其心一切當自
平

嵩箕有奇忬出雲何悠然雲山有佳處留客今幾年

讀書勤種山間田栗里愧淵明香山慙樂天二老已

望雲泥懸得酒邀月來對影空自憐攝衣欲起舞稚又

牽

次韻荅裕之

遺山先生集

附錄

八 陽泉山莊

薄暮敲門喜客佳水萍風絮共天涯行藏一語傾心肺古律
三詩淬齒牙朱研不妨閑度日青山終得其衿霞扶持老病
須君輩滿地豺狼萬里家

寄裕之二首

汨沒兵塵滿鬢霜買鄰心樂古清涼間陪老秀春行脚悶欠
懼元夜對牀正欲脫身求兔窟誰能隨世轉羊腸南陽未比
嵩陽好滿眼交游卽故鄉

老懶愚軒百不能飽諸人意冷於冰清狂舊日耽詩客灰朽
而今有髮僧夢裏紙衾三丈日話延雪屋一龕燈新開一徑
通蘭若斬盡清涼舊葛藤

次韻裕之見寄二首

魚入深淵鶴在陰飛澁泊何幸遠庖牀乾坤萬里雲無迹冰雪

三冬柏有心故國句留清夜夢歲華分付白頭吟華川擬作
桃源隱共與青山閱古今
古屋颼颼四壁塵不堪幽獨作吟呻瓶儲看客常年慣家具
爲農近日新世味飽嘗惟可睡詩情漫苦不醫貧相從分我
西山半欲乞耀元伴老身

題裕之家山圖

繫舟盤盤連石嶺牧馬激激倒山影山光水氣相混涵中有
元家舊廬井雁門一開豺虎場駕言投迹嵩之陽青山偃蹇
不可將十年竟墮兵塵黃東巖風物知猶在說與寄庵神已
會一揮淡墨能似之清輝遠寄形骸外元家故山吾與鄰夢
見不如畫圖真舊會行處聊經眼未得歸時亦可人

同裕之再過會善有懷希顏

又馮壁

遺山先生集

附錄

九

陽泉山莊

寺元魏離宮十日來凡兩前與髯卿偕齋奠少林往其時已
薄暮諸勝不暇訪今同魏諸孫再到風煙上寺僧導升殿雄
深肅瞻仰柱礎門限粘追琢成大壯不見磨琢痕瑩滑明混
朗摩挲三嘆息後世無此匠晚登西南亭碧玉對千丈如玉
官天柱如太華仙掌畱宿贊公房秀色夢餘想夜靜耿不眠
泉溜琴筑響惜髯今不來聯詩共清賞

贈裕之

又麻九疇

向來三度見君詩常望西山有所思誰料并州天絕處相逢
梁苑雪消時賢人樂古聲猶在聲叟文高世豈知只恐神嵩
不畱客秦川如畫渭如絲

元裕之以山遊見招兼以詩四首爲奇因以山中之意

仍其韻

斥華政可採負我孤舟篷湖爲紅塵裏擾擾槐安宮山間綠
蘿月一照千巖空洪崖去不返清遊誰與同空餘松根泉澗
佩流無窮人心墮泥滓不如與天通舉頭視霄漢浩露洗心
胸唐人謂謝靈運曰只道看山無礙處來封卷日五門僧說
日月兩角蝸天地一粒粟老益可徑醉豈擇瓦與玉大笑區
中人朱門勾梁肉清曉登少室日夕眺王屋紫煙瞻我髮碧
霞貯我腹溪中有白雲萬事付濯足物物愜幽情不獨蘭與
菊

南風入桂樹高葉碧崢嶸舉手戲攀折上與雲煙撐黃金間
白玉徧地光晶瑩笙簫坐間發鸞鶴空中鳴浩歌山谷應起
舞衣裳輕一尊卮上酒如我浩氣盈目送飛鴻盡青雲萬里

平

遣山先生集

附錄

十

陽泉山莊

國風久已熄如火不再然流爲玉臺詠鉛粉嬌華年政須洗
妖冶八駿踏芝田青苔明月露碧樹涼風天塵土一一盡象
緯昭昭懸寂寥抱玉辨爭競搖尾憐幸有元公子不爲常語
牽風入我懷高士傳曰樂季子數夢見玉童言玉童言黃金間

同裕之欽叔分韻得莫論二字二首

又雷淵

幼安謝僻命子雲老寂寞趨嚮豈獨異時命非所度我久困
流離一塵求負郭雖無斬敵功尙舉力田爵松少啟吾封四
履盡伊洛有客來問津醉眼入寥廓東晉謝靈運與王大將軍
世事久閉眼終日只睡昏清風何處來佳客已在門倒屣往
從之玉色向我溫妻孥趣作具歡喜傾瓶益清夜襍被往共
就遣出元嘲諛及俳語發揮間微言懸斷漏天區高嘯驚鄰
垣朐合政相和意到俄孤鴛恨不倒困廩矧官留籬樊葉屨

獲珠玉披榛見蘭蓀我肱已三折醉墮偶全渾知無適俗韻
量力任灌園二君清廟器由羃華壘尊蒼生望休息朝廷待
崇尊出處既異途會合難預論此樂未易得此文勿憚煩白
酒舉初子黃雞溷諸孫水樂喧後部山鬢秀前軒一醉萬事
休商聲滿乾坤

玉華山中同裕之分韻送欽叔得歸字

洗耳潁川水療饑西山薇山川得佳客草木生光輝未路風
教薄此道日已微相期千載事非君誰與歸

九日登少室絕頂同裕之分韻得蘿字

閒居愛重九佳人重相過登酬節物少少室鬱嵯峨迄邈謝
塵土夷猶出煙蘿欵如據鰲頭萬壑俯峰窩浩浩跨積風瀾
瀾渺長河日車昃紅輪天宇凝蒼波指點數齊州如覺氛埃
遺山先生集 附錄 十一
多我無倚天劍有淚空滂沱驚鱗吟奧渚倦翼占危柯悔不
與家來結茅老巖阿歸途蹉老眼廣武意如何

次裕之韻兼及景玄弟

名腸相掀半成灰戰退紛華施始廻文字喜逢脩月手津梁
愧之濟南才等間有酒輒共醉信口俄詩不置才最憶平生
劉子駿紫芝可惜不偕來

玉華谷同希顏裕之分韻得秋字 又李攀龍

玉龍落峽噴飛流空翠霏霏晚不收軟脚山堂一壺酒暮涼
閑對兩峰秋

滎陽古城登覽寄裕之

突兀高臺上古城登臨人境兩崢嶸關河落日歲云暮草木
臨風氣未平虎擲龍拏王伯事天荒地老古今情一杯欲洗

興亡恨爲喚窮途阮步兵

送裕之還嵩山 又王渥

高懷不受簿書侵清潁鷗盟欲重尋老去宦情知我薄閒來
道念兄君深對床夜雨他年夢滿馬西風此日心嵩頂勝遊
誰得共仙聞仙馭待知音 未句用古
仙人詩話

遊丹霞下院同裕之鼎王分得留字

霜落豐山白水收歲華全在竹園頭賦詩鞍馬慙真賞載酒
林泉阻勝遊野色自隨人意逐夕陽應爲鳥聲留仙源回首
旌旗隔一笛西風喚客愁 丹霞 寺土夫
以付園頭名之

送裕之官鄧下兼簡仲澤 又崔遵

青燈別酒夜沉沉力負相思自不任閑裏更誰留我醉興來
難復伴君吟一枝仙桂知難擬千頃黃坡未厭深爲白荆州

遺山先生集

附錄

三

王粲道安排佳境約相尋

和裕之二首

行李西來便得君相從回首七經春君方備悉原思病我亦
私憐仲父貧底事却成今日別枯腸難著此愁新鳶肩火色
真將驗馬虎何勞更問辛

不幸還能作幸民十年同醉潁川春酒船載我雖堪老仕路
有時或爲貧少室山人三日惡夷門紙價一番新益知衰樂
終年事未唱驪駒鼻已辛

題裕之家山圖 又劉焯霄

萬里神州劫火餘九原夷甫有餘辜作詩爲報元夫子莫倚
家山在畫圖

贈答史院從事

見說才名是妙年多慚政府舊妨賢物華天寶無今古鳳閣
鸞臺孰後先鄭圃道尊何敢望濟南書在子當傳莫言老眼
昏花滿及見風鵬上九天

送裕之往許州酒間有請予歌渭城煙雨者因及之
又

白酒留分袂青燈約對床言詩真謾許知已重難忘爽氣虛
韓岳文星照許昌休歌渭城柳衰老易悲傷

寄裕之

青雲一別阮家郎甚欲題詩遠寄將好句眼前常蹉過佳人
心上不曾忘誰家秋月茅亭底何處春風錦瑟旁昌谷煙霞
久寂寞歡遊還肯到三鄉

古月一篇爲裕之賦

遣山先生集

附錄

三

古月天不收敵君三萬秋天孫弄明鏡光湧雲間流憶昔放
逐流南州金陵女兒歌權謳草裏烏紗巾散著紫綺裘酒酣
把玉笛直欲捫參歷井騎汗牛醉中呼兒搖雙舟吾欲乘流
下石頭起來茫茫視八極萬里只有元丹丘丹丘子遊人間
風塵何爲往復還玉華山人近招我九日朝帝蒼梧山

讀裕之弟詩藁有鶯聲柳巷深之句漫題三詩其後
兄

之

阿翁醉語戲兒癡說著蟬詩也道奇吳下阿蒙非向日新篇
爭遣九泉知

鶯藏深樹只聞聲不著詩家畫不成慙愧阿兄無好語五言
城下把降旌

傅家詩學在諸郎剖腹畱書死敢忘
先人臨終有前背上錦
腹畱書之語

囊三箭在直須千古說穿楊

跋遺山墨迹

又劉因見容城集

晚生恨不識遺山每誦歌詩必慨然遺墨數篇君惜取注家
參核有他年

遺山先生挽詩

又閻復見元詩

蕭寺秋風捲玉荷月明人影其婆婆誰知別後驪駒曲便是
先生薤露歌野史夜寒蟲蠹簡錦機春暖鳳停梭祇應前日
西州路常使羊曇忍淚過

題中州詩集後

家鉉翁見文類

世之治也三光五嶽之氣鍾而爲一代人物其生乎中原奮
乎齊魯汴洛之間者固中州人物也亦有生於西方奮於遐
外而道學文章爲世所宗功化德業被於海內雖謂之中州
遺山先生集

附錄

十四

人物可也蓋天爲斯世而生斯人氣化之全光岳之英實萃
於是一方豈得而私其有哉迨夫宇宙中分南北異壤而論
道統之所自來必曰宗於某言文脉之所從出必曰派於某
又莫非盛時人物範模憲度之所流衍故壤地有南北而人
物無南北道統文脉無南北雖在萬里外皆中州也況於在
中州者乎余嘗有見於此自燕徙而河間稍得與儒冠縉紳
遊暇日獲觀遺山元子所哀中州集者百年而上南北名人
節士鉅儒達官所爲詩與其平生出處大致皆采錄不遺而
宋建炎以後御命見留與留而得歸者其所爲詩與其人節
始終亦復見紀凡十卷總而名之曰中州集盛矣哉元子之
爲此名也廣矣哉元子之用心也夫生於中原而視九州之
人物猶吾同國之人生於數百年後而視數百年前入

物猶吾生並世之人片言二善殘編佚詩埭訪惟恐其不能
盡念於是知元子曾懷卓犖過人遠甚彼小智自私者同室
藩籬一家爾汝視元子之大度偉識漠漠下風矣嗚呼若元
子者可謂天下士矣數百載之下必有謂余言爲然者

遺山先生集

附錄

五



王晉曰論天下士矣選自疏之不必自附余言然猶首

諸論一案爾汝視元子之大度偉識漠漠下風矣嗚呼若元

子者可謂天下士矣數百載之下必有謂余言爲然者

遺山先生集附錄

入中言一善殘編佚詩埭訪惟恐其不能

附錄增

讀遣山詩四首

劉秉忠字仲晦見藏春集

劍氣從教犯斗牛，百川橫放海難收。
九天真上無凝滯，更看銀河一派流。

北里笙歌勸酒杯，南鄰北巷冷如灰。
秋風萬里方搖落，叫殺孤鴻春不回。

春雲高興入冥搜，一字非工未肯休。
直到雪消冰泮後，百川春水自東流。

雲霞閃爍動霓旌，轟磕征鼙震地聲。
千里折衝歸指畫，將壇孫子獨論兵。

追挽元遺山先生

王惲字仲謀見秋澗集

文奎騰彩憶光臨，孺子何知喜嗣音。
予年廿許以特文贊於先生公喜甚親為酬謝

附錄增

一

陽泉山莊

遺山先生集
且有文筆重於相，權泰山微塵之說，即欲挈之西行，以所傳畀予，以事不克，至今有遺恨云。
党趙正傳公固在陽秋當筆我，奚任天機翻錦餘。
官樣月戶量工更苦心，野史亭空遺事墜，荒煙埋恨九原深。

春寒尚與入冥搜，一字非工未肯休。
直到雪消冰泮後，百川春水自東流。

北里笙歌勸酒杯，南鄰北巷冷如灰。
秋風萬里方搖落，叫殺孤鴻春不回。

春雲高興入冥搜，一字非工未肯休。
直到雪消冰泮後，百川春水自東流。

附錄增

遺山先生集補載

烏程施國祁北研輯

平定張穆身齋補輯

密國公壽得友人書詩

中州集十四則

聞有書來喜欲狂紫芝眉宇久難忘別離惟歎我頭白詩句
屢成君馬黃公幹羈栖猶洛下孔明高臥尚南陽冷官領取
閒中趣遠勝區區夢蟻忙

麻徵君九疇松笏同希顏欽叔裕之賦又

儀尊青黃災木命羈絆翦剔傷馬性折松爲笏得之天此君
幸免戕殘橫初緣形似有代無不料奇功乃差勝人間斤斧
不須勞坐中活火鳴笙簫千秋蟄骨養霜雪一日奮鬣翻雲
濤巖烟擊拂殷雷起顛風蹴踏銀山高莫嫌勺水懦無力如
遺山先生集補載

陽泉山莊

捲西江都一吸借汝歲寒姿扶我衰朽質埽除幻夢不到眼
洗刷埃壘下胸臆捫霞真與羨門期一笑桑田海波白

雷御史淵洛陽同裕之欽叔賦又

日上煙花一片紅嵩邨西峙洛川東才聞候騎傳青蓋又見
牽羊出絳宮事去關河不橫草秋來陵寢但飛蓬書生不柰
興亡恨斗酒聊澆魄扁胸

啟母石同裕之賦又

千古崩崖一罅開強將神怪附郊禩無情頑石猶胎謗貝錦
從爲巷伯哀

秦略同希顏裕之賦樂真竹拂子又

覓箇龜毛抵死難直教擊碎釣魚竿世人不用生分別信手
拈來總一般

劉昂霄中秋日同辛敬之魏邦彥馬伯善麻信之元裕
之燕集三鄉光武廟諸君有詩昂霄亦繼作

積甲原頭漢闕宮登臨還喜故人同
超越萬里乾坤眼凜凜
千年草木風今古消沈詩句裏
河山浮動酒杯中極知勝日
須轟飲更待銀盤上海東

送裕之往洛陽兼簡孫伯英

又

洛水嵩山壽樂堂每從熱惱得清涼
竹牀石枕應無恙尙可
分風供十方

同敬之裕之游水谷分韻賦詩得荷風送香氣五字各

賦五首

又

招提有勝踐日暮一經過何物媚游人
微風動池荷

尋幽意自愜况與佳人同俗物不到眼
談笑來天風

遺山先生集

補載

二

陽泉山莊

敲門看脩竹重理舊年夢上山復下山
清風管迎送

寒泉漱雲根湛然涵鏡光誰知一滴味
中有曹溪香

迂辛與臞元得句猶有味頽垣斂暝色
深竹貯秋氣

田紫芝夜雨寄元敏之昆弟

又

醉夢蕭森蝶翅輕一燈無語夢邊明
虛檐雨急三江浪老木
風高萬馬兵枕簟先秋失殘暑湖山
微曉看新晴對牀曾有

詩來否爲問韋家好弟兄

王萬鍾寄關中句

又

千里呂安思叔夜二年社燕伴秋鴻

趙吏部伯成元弟以所業見投賦詩爲贈

又

耆舊隔存歿爲君重歎嗟人門得嵇紹
文賦見張華夙有凌

雲筆方乘犯斗槎忘年卽吾友未可論
通家

康司農錫按部南陽有贈詩又

魯山佳政霑鄰邑白水歡謠見路人縣務清談君自了農郊
夙駕我何勤星河直上冰輪轉桃李前頭玉樹春海宇疲民
望他日草堂那得遽移文

王中立題樂府後詩又

常恨小山無後身元郎樂府更清新紅裙婢子那能曉送與
凌煙閣上人

張仲升寄人宰縣詩又

縣務無難易人才自異同割雞良暫屈製錦要專工積弊姦
賊後遺黎喘汗中不存憂世志底用讀書功嫉惡看平日知
君有古風莫教循吏傳獨載魯山翁

白君學酬詩茅亭詩一則

遺山先生集補載

三陽泉山莊

夢裏薰風湛露歌花開漢苑舊經過拾遺老去青春暮司馬
歸來白髮多橫槩賦詩吾豈敢短衣扣角夜如何相逢未盡
相思話草色連雲水碧波

貽溪麻草寄詩河汾諸老詩三則

朔雲陰雪晚重重日入寒蕪塞草空沂水東回無去翼天山
南斷有哀鴻三年遠別交情外一夜相思客夢中明日關河
對雙淚祗將幽憤寄秋風

兌齋曹之謙寄詩又

詩到夔州老更工只今人仰少陵翁自憐奕世通家舊不得
論文一笑同艸綠平原愁落日雁飛寒水怨秋風黃金鑿裏
相思淚幾墮憑高北望中

又讀唐詩鼓吹詩又

傑句雄篇萃若林細看一一盡精深才高不似人間語吟苦
定勞天外心白璧連城無少玷朱弦三歎有遺音不經詩老
遺山手誰解披沙揀得金

楊鵬飛卿送詩

陶然集一則

三館才名天下聞亂來俗議漫紛紜兩朝文筆誰爭長一代
詩人獨數君南浦春深愁送別西山晚翠約平分何時竝坐
龍潭上野水添杯看白雲

杜仁傑善夫病中呈詩

善夫集一則

十載猶能復笑談歸來重覓讀書龕未陽白酒君應具句漏
丹砂我自慚民訟幾何消自苦山城雖小得窮探也知清儉
難持久好趁秋風醉菊潭

張澄仲經次韻詩

橘軒集一則

遺山先生集

補載

四

陽泉山莊

長松偃蹇千年物病鶴摧頽萬里心

楊奐浮生一首送裕之詩

遺山遺稿一則

漢節飛雲外秦城落日邊浮生空自老歸計定何年淚滿陳
蕃榻心搖祖逖鞭短詩聊遣興羞向故人傳

耶律楚材和太原元大舉韻詩

湛然居士集一則

魏帝兒孫氣似龍而今飄泊困塵中君游泉石初無悶我秉
鈞衡未有功元氏從來多慷慨并門自古出英雄李唐名相
沙堤在好與微之繼舊風

耶律鑄送元遺山行

雙溪醉隱集

燕北秋風起幽光滿地開既邀今日別合道幾時來白玉煙
沈閣黃金艸暗臺不須傷老大珍重掌中杯

郝經獲鹿新居哭元遺山詩

陵川集一則

幾山繞荒城慘淡帶餘雪我來問新居欲語還哽噎搖搖識
風旌掩掩淚隱睫額地升中堂痛激肝膽裂鼻若闐闐風幽
冥忽穿徹空牀一束書不見文章伯愁馬暗不鳴老僕頓欲
絕嬌兒背面啼高弟展轉說有書未絕筆有傳未卒業靈輻
已西州壯心空北闕緬思從公遊灑汗飛玉屑振筆青雲開
炳煥寒電掣鯨吹濤山回隼厲霜鋒擎蘊情八軟語婉藹幽
更切鶯啼柳陰深百轉春不歇方張大庭樂誰意成永別徒
倚扳庭柯窗戶轉寥寥寂乾坤入凋喪衣冠少顏色魂來暮山
青魂去暮山黑城頭老畢逋底事悲破月中腸元易感使我
心欲折

王暉題遺山先生手書雜詩後

秋澗集二則

文鍵親承罄頌餘又從珠壁見遺書常疑落落江山筆不放

遺山先生集

補載

五

陽泉山莊

奎光到玉除

中統五年六月初八日夜夢遺山先生指授文格覺而

賦之以紀其意

又

分明昨夜夢遺山指授文衡履絢間道必細論能出理文徒
相剽亦何顏江流不廢驚千古霧管時窺得一斑落月滿梁
清境覺紫桐花露溼吟冠

吳澄題遺山鹿泉新居詩後

草廬集一則

宋氏南遷金土中一時文物盛華風煌煌帝室龍興後流落
遺山老秃翁

新居當日點新泉不見新居已舊篇一代風流今已矣空餘
心畫尚依然

吳道輔景文詩

題續夷堅志一則

中州曾歷覽何處覓孤墳勳業元無我文章正數君淵源由
史漢警策出機雲子亦尚奇者何期廣見聞

何季穆讀遺山集詩 列朝詩集一則

滄海橫流著此身中原天日照纍臣明昌大定三生夢欽叔
希顏一代人野史亭中遺汗簡讀書山下起埃塵幽蘭灰燼
今何在千載空餘老角巾

王士正讀金元詩 精華錄一則

載酒西園追昔游畫闌桂樹古今愁蘭成賸有江南賦落日

青山望蔡州

趙翼題遺山詩 風北詩鈔一則

身閱興亡浩劫空兩朝文獻一衰翁無官未害餐周粟有史

深愁失楚弓行殿幽蘭悲夜火故都喬木泣秋風國家不幸

遺山先生集 補載

詩家幸賦到滄桑句便工

六 陽泉山莊

朱雲駿春日游讀書山懷元遺山先生 江蘇詩徵

春煙澹欲流禽聲導客往山行曲愈好步窘勢轉上徑斷溪
橫橋冰消水平掌澗瀑懸山巔塵襟快滌盪游歷逮茲辰聞
自疇曩流風如可親對鏡足欣賞

古人不可及非徒尚詞翰出處有本性此際良獨難高名震

山斗事定待闔棺筮仕興定初天興列史官凋敝日益甚簪

筆涕洟瀾國凶終布衣家訓傳南冠

性正氣亦正跌蕩雄幽并聲名世耳食知已惟一兄四十五

年間毀譽何轟轟習俗安污流所葆遂不貞錙銖較利害俯

仰隨重輕所以貴壁立君子豈好爭

職本任史官記注敢貽誤身師忽東狩國師請保護時相肩

以迂零落不復顧艱危野史亭貞節葆歲暮身在國史在豈
難徇國祚吁嗟絳雲樓志但希遭遇

繆嗣寅題元遺山集後

又

英聲早歲震詞曹老擅詩壇一代豪夢裏華胥空想像眼中
瓊島賸牢騷孤亭野史心同鄭籬菊南山迹異陶箕尾幸超
塵世外尉羅終不累名高

翁方綱讀元遺山詩四首

復初齋集

秀骨出天然非可學而至驚心動魄語抑豈堪屢試今人惑
津梁惟思騁奇異又怯昌谷囊難憑儉腹致輒覺陸坦地不
及元雄恣猶如學坡詩莫喻其深祕城東一矮榻二楊同啟
笥乾隆己巳庚午間日與
立山齋圃誦遺山集光陰掣電過六十年前事夢回橋
南窗潒焉發深愧

遺山先生集

補載

七

陽泉山莊

淵明飲之逸太白飲之仙坡則欲兼之仙佛俱有焉以我讀
坡詩竊疑未必然放翁之飲酒半壁澆江山各有沈摯處敢
誰輕與軒遺山眞嗜飲何處窺其源愉悅莫能名亦擬索眞
詮記與孳石語孳石笑不言飲中較之蘇離合夫誰宜僅以
飲酒論何礙詩足傳

遺山接肩山浩平海波翻效忠蘇門後此意豈易言爾日讀
坡詩胸有節制存元精貫當中耿耿與誰論我觀寶書品於
褚斥籬簫蕭阮羊薄上遂擬探本根未審防澆漓如何追匪
渾望古俯視流興定之初元令人緬星漢峻極窮崑崙儻以
質坡翁孰竟委與原秦晁諸君子恐未參妙門

金翅擘滄溟金鍼度鶯繡何人望見之渺不露結葺斂之入
毫心縱之恢宇宙軒軒非濤瀾錯采豈雕鏤所擬長沙帖邇

非閣本舊又不以翻新本自竹興就象因於元珠憑何超喫
詎此必非傲人正復難輕授精純義山真故在鄭箋右

又書遺山集後三詩

又

程學盛南蘇學北陸元二老脈誰傳紹熙正際明昌日南北

相望二十年

遺山生於明昌元年庚戌正放翁提學武
夷沖祐觀時二先生竟算同時未相見耳

江左休誇病鄴中撐霆裂月許誰同金源南宋分疆後天放

奇葩角兩雄

驢背鍾山照眼青文章未合付熙寧誰知接續咸淳末始泄

精華釀六經

遺山卒後十五年虞道園乃生蓋自
王半山詩由經出而未得其正耳

知忻州汪君本直修元遺山先生墓詩

又

先生歿後五百年饗堂鼎建崇其阡古愚汪君知政本此舉

無愧於前賢繪圖作記寄示我我嘗從事年譜編鈔詩先訂

遺山先生集

補載

八

陽泉山莊

顧秀野磨碑漫記劉神川繫舟巖屋不可到野史亭址誰留

連今者披圖宛瞻拜墓門東北圍牆壞其堂三楹壁嵌石厚

培兩序增新椽大書中州文獻字萬古奇氣光星躔堂前石

人後墓道舊銘石乃堂東偏巋然特表詩人墓先生之志藉

以宣其西孫曾祔祖考東巖隴城同氣聯五花之土土五丈

墓前積土

五方五丈相傳先生葬時四方來
奠者張幕於此畫花爲記今其址號五花棚云葬時故事今

猶傳亭仍重築署野史幽窗疏雨疑潺潺耕讀還因起丙舍

茲誦聲來繞墓田更因校刊先生集故家寫本尤精研是與

年譜相印合使我狂喜磨丹鉛燕趙慷慨悲歌氣金元著錄

金石鐫一於先生詩中寓杜老之史坡之仙我寶先生兩石

墨靈巖蹟並蘇門懸亟書汪君名不朽郝經姜魏同墨緣

郝經撰墓碣又附人寄書謝子共巖石附諸集譜坐縣延送

魏刊姜夷撰碑陰記

迎神曲我其職春秋禋祀配管苴

元遺山湧金亭詩石久翳不見今始訪知之以詩寄韓

縣令高君爲移置亭中

又

亭榜猶疑贗蘇筆亭歌是乃眞蘇詩欽州馮生爲訪別鄧川
高侯重護持俱是蘇齋著錄手如見元子酒酣時太行元氣
動眞宰墨響迥然鸞鳳期

書元遺山湧金亭詩石本

又

嗚呼河獄東乃在百泉側回幹太行來百靈供筆力時從史
院出內鄉初奉職聊卜蘆泉居已喜龜墨食附掌孫公和袖
手謝安石時事無可爲但坐看泉脈日光搖金沙激濤叩空
碧張杜麻數子可與豁胸臆鬱律突兀氣一吐于厓壁龍門
傲純陀那復知辭稷安閑乃神秀正書始造極後來傳山輩
遺山先生集 補載

九 陽泉山莊

欲近安可得長嘯出天地但恐河汾窄擊節公定聞青天月

華白

蘇門山涌金亭蘇書石本

又

我愛遺山亭壁句每懷坡老亭上書蘇蹟果隨元蹟到吾齋
豈謬云寶蘇太行迢迢照萬古百泉水涌金光鋪元子酉來
詫賓從蘇公北上軒肩須二百年間一仰俯乾坤清氣誰吾
徒想當元子坐臥此恨不孫阮相與俱山川激越發長嘯鸞
歌鳳舞來招呼伊川修竹舊盟在洛城仿佛先志居濟源卽
堂結鄰里喬木臨水成畫圖此書尙是早歲筆春陽驅馬唐
鄧初愛其人樂見其字 歐陽其可此跋儻爲厓重摹秋澗詩
辨者云爾

雖不可見水怪瀉盡明月珠吾齋寶蘇拜蘇像想應元子配
食乎學海尋原意寥闊料量偃筆良區區

齋中與友論詩五首 又。此第三首

蘇學盛於北景行遺山仰誰與蘇黃後卻作陶韋想夙平貌
姑射異彼適奔蒼每過木雞軒靜觀夜氣養勿放坡詩新始
喻陶琴響輕言吹一吹頓使光萬丈離垢偈有無學似記疇
曩詩家真衣盍何如錢與蔣心徐為蕩斤分校禮闈所得士
故以比南雅及孟昭也然此一
首實為蘭雪
學遺山而發

元遺山靈巖題名云冠氏帥趙侯齊河帥劉侯率將佐

來游好問與焉丙申三月廿五日題在党懷英篆書

碑陰下有丙辰冬至日蓬山劉惠淵游靈巖詩丙辰

即明昌七年丙申是蒙古太宗八年是時遺山正在

冠氏金亾之後二年也因手搦此蹟即借劉韻記之

又

遺山先生集

補載

十

陽泉山莊

党記劉詩託此傳驪珠廿七氣橫天濟南紀後干行淚野史

亭邊一知泉內翰相過應寄語邑侯同到亦良緣我來手搦

芝英露不枉追攀淨土蓮

讀劍南詩第八首

唐既弗杜仿宋亦豈蘇擬曠蕩今古論後喻云誰使扁落輪

困氣造物端倪啟武夷領祠日明昌才出矣宋光宗紹熙庚
戌放翁提舉武

夷神祐宮是年即金章宗明昌元年元遺山生

同何幸並吾几颯池雲一泓軒然可萬里後來言格調辛芒

徒為爾海虞彙萬篇差勝錫山梓常熟毛氏劍南詩集刻本
勝於無錫華氏刻元遺山

集泰山一豪込劭庵麤料理愚所校訂惟虞
道園集甫有緒印涉窮津涯庶

從經術始

凌廷堪讀元遺山詩 校禮堂詩集

神京喋血竟生還，忍死重過石嶺關。一寸秋豪成野史，百年
老淚灑空山。身經北渡流離際，才與東坡伯仲間。文獻中州
盡凋喪，賴君大手記完顏。

祁寯藻讀元遺山詩 復仇亭集

吾道申韓已足羞，衣冠況復語俳優。柱天大手回元氣，卻取
朱弦屬柳州。

白頭賸有南冠錄，青簡孤懸野史亭。破甌禿豪忙底事，中州
留得氣英靈。

雪香亭畔柳啼鶯，汴水東流繞舊京。玉軸龍文親眼見，故應
愁殺庾蘭成。

冠山飛入湧雲樓，更憶陽泉道院幽。不是詩人感喬木，霜林
誰識故鄉秋。

遺山先生集

補載

元史五則

十一

陽泉山莊

趙復傳字仁甫，德安人。與人交尤篤，分誼元好問。文名擅一
時，其南歸也，復贈之言以博溺心，未喪本為戒，以自脩。讀易
求文，王孔子之用心為勉，其愛人以德類若此。

許楫傳字公度，太原忻州人。幼從元裕之學，年十五以儒生
中詞賦選。

閻復傳字子靖，其先平陽和川人。弱冠入東平學，時嚴實領
東平行臺，招諸生肄進士業，迎元好問校試其文，預選者四
人，復為首。徐炎、李謙、孟琪次之。

張德輝傳字輝卿，冀寧交城人。世祖在潛邸，召見訪中國人
材，德輝舉魏璠、元裕、李冶等二十餘人。壬子與元裕北覲，請
世祖為儒教大宗師。世祖悅而受之。

郝天挺傳字繼先出于朵魯別族世著武功爲河東行省五
路軍民萬戶天挺英爽剛直有志略受業于遺山元好問嘗
脩雲南實錄五卷又注唐人鼓吹一十卷

谷音一則

杜清碧著

洛陽程自脩字忘吾性孝友讀書城東門翰林元裕之上其
言行除禮部郎中自脩聞之棄家南去

靜脩遺文二則

劉因著

書饜饇圖後金臺田金延得古饜饇拱泉而坐腹煖其面而
坐則人焉其下有若承盤者然河東元裕之爲之攷定其爲
古器無疑也景延遂以劉敞呂大臨例而圖之其友郝伯常
欲爲道然而不果而屬子

孝子田君表清苑孝子田君諱喜其子道童資高秀喜讀書

遺山先生集

補載

十一

陽山莊

遺山元公陵川郝公皆嘗爲詩文以美之

陵川集一則

郝經著

義士詩序丁巳春子入燕得義士一人馬曰晉古跌宕于搢
紳間聲名藉甚故得其人爲尤詳初以早失怙特著道士服
杖履去家觀覽山川交識名右王內翰白樞荆魏靖肅元遺
山一時名流皆爲之先後

元詩癸集癸王一則

顧嗣立著

張志純號天倪子泰安埠上保人六歲能誦五經十二兼家
入道居全真宮數十載道行超羣輩與元好問徐世隆杜仁

傑游

秋澗集十三則

王惲著

遺山先生口誨遺山先生向與頤齋張公自汴北歸過衛先

君命錄近作一卷三十餘首爲贊拜二公于賓館同志雷騰
在焉先生略叩所學喜見顏間酒數行命張鐙西夾曰吾有
以示之先生憑几東面坐子二人前侍披所獻狂斐且讀且
竄卽其後筆以數語擬其非是且見循誘善意而于體要工
拙音韻乖叶尤切致懇每篇終不肖跪受教再拜起立夜向
深先生雖被酒神益爽氣益溫言益厲覺泉蒙茅塞洒洒然
頓釋如醉者之于醒萎者之于起也說旣竟先生復昌言曰
千金之貴莫踰於卿相卿相者一時之權文章千古事業如
日星昭回經緯天度不可少易顧此握管鉛鋒雖微其重也
可使纖埃化而爲太山其輕也可使太山散而爲微塵其柄
用有如此者況老成漸遠斯文將在後來汝等其勛毋替坐
客四悚有惘然自失不覺映面發媿者旣而鼓動客去先生
遺山先生集 補載 三 陽泉山莊

覆衾臥子二人亦坐頭倚壁熟睡及覺日止先生與客已觴
詠久矣于是肱篋取一編書皆金石雜著授子曰可疾讀吾
聽愜其音節句讀不忒顧先君字而謂之曰孺子誠可教矣
老夫平昔問學頗得一二歲累月積鍼綫稍多但見其可者
欲付之耳可令吾姪從子偕往將一一示而畀之庶文獻之
傳罔墮越于下先君起拜謝不敢曰先生惠顧若爾何幸如
之知王氏且有人矣敢不惟命期于明年春當見先生于西
山時歲甲寅春二月也後三十五載戊子冬十二月臘節前
三日小子惓再拜謹述

又題遺山手簡後公道存在上者惟恐士之不才公議廢當
塗者惟恐士之有才此古今通病必然之理也昔程伊川與
韓相維游許昌西湖坐間有以書投韓者程視之蓋于進者

也程曰相公亦令人求之耶况爾後乎宜其藩維棘鎖想玉堂如在天上也觀此帖者幸勿以遺山爲疑可也

又帝王鏡略序近讀遺山先生鏡略書所謂立片言而得要者也其馳騁上下數千載之間總理繁會數百萬言之內駢以四言叶以音韻世數代謝如指諸掌

又題元楊手筆後卷中諸公皆一時名勝先生俎豆其門諸賢樂與游者其以道義故也子早歲讀書蘇門尙及見之歲時吟咏于山水間彬彬然極承平時故家風味不知軒冕爲何物孰謂三十年後文物陵替而至于斯拊卷援豪豈勝慨慕

又黃石祠詩注黃石公祠有詩云天口旣與赤帝子口口願師黃石公題曰騰騰老後復題曰兀兀翁騰騰老者楊紫陽遺山先生集

補載

古

陽泉山莊

也兀兀翁者楊飛卿也二公爭相謂己詩者數年遺山聞之曰詩則非佳爭之之意甚可一噤也

又史天澤家傳北渡後名士多流寓失所知公好賢樂善偕來游依若王濬南元遺山李敬齋白樞判曹南湖劉房山段繼昌徒單侍講爲料其生理賓禮甚厚暇則與之講究經史推明治道

又玉堂嘉話遺山常與張農齋論文見有竊用前人詞意而復加雌黃者遺山曰旣盜其物又傷事主可乎一坐爲之絕倒

又金清漳老人南宮人曾撰本縣二郎神廟碑遺山見之謂進士張和之有讀得行得之語

又趙大中庸說嘗見遺山與張緯文相謔見碑文過俞曰遺

山又貨了一平天冠也

又觀東坡與蒲資政傳正書并覓柿霜無核棗四帖後有張行簡董師中元遺山跋語

又詩夢十一月十七日與兒輩祓除回就枕熟眠近四鼓夢與姜君文卿會歷下亭酒半酣姜歌鷓鴣曲壽子聲甚歡亮已而以遺山新舊樂府爲問子曰舊作極佳晚年覺詞逸意宕似反傷正氣姜以爲然子因賦詩以贈既覺頗記一二因足成之其詩曰畫戟清香敬燕居分明夢裏到庭除恩醲故里縣車後錦爛秋鷹斂初細掉觥船浮酒海暫停銀管合纍珠賞音千古遺山曲堅意高歌要壽子

又紀夢至元戊子八月十三日夜送真定姬仲實上路就枕熟睡夢在一雪後亭榭尙書張夢符宣慰信雲甫御史王子遺山先生集

補載

五

陽泉山莊

淵三人來訪坐久話及向在東平時游燕等事夢符衣一素練衫當膺畫名士像自遺山以下數人子卽題詩凡上云不惜黃金買東絹丹青難寫是真容因大矐曰此衫甚佳但到處長負一軸諸公行神也遂踏砌雪而散覺乃自占其夢復作一聯云想是隆江方大用故將賢彥貯胸中

河汾詩序一則

房祺作

近代詩人遺山元先生爲之冠先生太原人太原境與平陽接河山勝概地土所宜習俗所尙古今人物不殊至如師友淵源文章正脈略與之等故河汾間諸老與天下人材無讓麻貽溪與元老詩學無嫌古文出其右公言也張石泉房白雲與元老游從南北者子颺子京二陳昆仲與元老或詩或文數相贈遺者遯庵菊軒有稷亭一段之目與元老相次登

第者曹兌齋與元老同爲省掾日以文詩講議者或曰兌齋雲中應人也吾子列河汾之間得無附會歟不然兌齋之先誠應人自客汴梁北渡居平陽者三十餘年發明道學爲文楷式指授後進桃李光輝盈溢其門或教授鄉里或宦達四方有二子叔舉季行文筆亦盛傳而況狀元王公趙城人曹之外父也兌齋生而隱德光輝汾晉泯而耶壠在焉豈非吾鄉先生歟夫諸老之詩有淵深冲澹如陶柳者有豪放如李翰林劉賓客者有輕俗近雅如元白者有對屬切當如許渾者有騷雅奧義古風大章浸八於杜草堂之域者往年吾友楊君仲德議成此集不幸早世仲德有云不觀遺山之詩無以知河汾之學不觀河汾之詩無以知遺山之大不觀遺山河汾之作不知唐人諸作者之妙不觀唐人之作不知三百遺山先生集

補載

六

陽泉山莊

篇六義之深意予今纂錄自貽溪至兌齋凡八人得古律詩二百一首號曰河汾諸老詩集俾郝先生序文於前甚備不肖繼言於後才識淺陋不能盡其蘊雖然吾鄉學者如林有能慕河汾之派觀是集者知所興起云大德辛丑歲二月望日橫汾隱者房祺序

信齋類藁二則 孔行素著

元遺山先生金末遭亂避兵行至一窮僻之所有古廟焉因假宿意謂明日將他之也忽更餘若有人聲自梁屋間出熟聽之聲愈清切問元先生曰先生博學強記吾常聞之矣試與學生一一問之如何先生曰某也學淺才疏然於世之經史亦嘗涉獵願子問之于是先問易次及書詩春秋四書及漢唐史之異同皆前輩所未攷者先生以己意所見詳辨之

其聲稱善曰先生真大才也惜乎不遇時也如此問荅稍聞復曰先生得無飢乎先生曰雖飢亦無奈何其聲曰學生當與先生備之并襦袴進先生甚無疑而勿受也先生曰某雖不與子相識若神若鬼旣蒙問荅復何疑焉其聲曰願先生稍出戶外當自備至于是先生出復進則皮耗飯羹畢具先生始甚怪之因自思曰受此亦豈有所害耶食旣而寢明日將行其聲又曰先生未可行學生當先往覘之須臾至曰兵事方熾不若就此爲善也居數日先生欲去其聲又曰先生可行矣然回某方則善先生曰某與子旣若是情好猶故人也今日生別或可使某知子之爲何如人姓氏爲誰他日必思以報其聲曰學生非人也因見先生遭難故來相護耳旣欲相見面必待送數程擇一半壁窗處月明夜相見就別自

遺山先生集

補載

七

陽泉山莊

此行數日無日不見報前途虛實者先生深以爲幸一日告前途可無慮矣學生當與先生別夜半月明其聲漸近先生倚窗立但見一虎特大斑文可觀拜舞而去先生常載此事于文集後至正庚子夏宗叔可道思言因備道其詳云又溧陽同知州事保壽字慶長偉兀人寓常州常陪所親某人從車駕往上都回塗中遇二雁射其一至暮行二十餘里宿于帳房其生雁飛逐悲鳴于空中保壽及所親皆傷感思家之念不忍食之明日早起以死雁擲去生雁隨而飛落轉輾悲呼若相問慰之狀久不能去其人遂瘞之時庚寅秋九月與余談及此已十年前事也因思元遺山先生有雁冢詞正與此同乃知雁之有義人所不及諺云雁孤一世鶴孤三年鵲孤一周時所以親迎奠雁豈無意乎

雲樓集一則

程鉅夫著

薛微之牌微之制行立言口口口然當世指紳尊之巨庸齋先生日與女几辛愿柳城姚樞稷山張德直太原元好問南陽吳傑洛西劉會淄川李國維濟南杜仁傑解梁劉好謙講賈古學且以淑人

草廬集二則

吳澄著

題張仲默夢元遺山授詩法圖云張君未覺乃夢既夢乃覺恨我不識遺山翁耳

又劉忠憲行狀公之父訓金朝河南省掾博學知名與太原元好問友

庶齋老學叢談二則

盛如梓著

張橋軒與元遺山爲斯文骨肉張云富貴倘來良有命才名遺山先生集

補載

文

陽泉山莊

如此豈長貧元改倘來爲逼人此爲子又云半篙溪水夜來雨一樹早梅何處春元曰佳則佳矣而又未安旣曰一樹烏得爲何處不如通作一句改一樹爲幾點壬辰北渡寄遺山詩萬里相逢眞是夢百年坐老更何鄉元改里爲死坐爲歸如光弼臨軍旗幟不易一號令之而百倍精采

張寓齋相公少年與孫德謙于東平嚴侯府從元遺山讀書其歸也命二子送行及別求詩以東平二字爲韻孫得詩云鵝山一帶傷心碧羨煞孫郎馬首東公得詩云汝伯年年髮如漆看渠著腳與雲平孫竟不永年公之詩亦不知何人藏弄閱四十年公簽汴省分治楊州里人高山甫一日以元詩歸之公喜甚命子紀其事或者謂德謙詩有煞孫郎語不祥如此則詩果有讖乎

歷城舊志一則

呂公祠云元遺山在太原有道人常邀同食且曰我家在濟南酌突泉上甚可樂也公能從我游乎元曰有待數年後遺山過濟南已忘前約矣游泉上倦臥灤源堂勿夢前道人揖之曰久約不相憶耶何咫尺不枉顧醒而始悟因起過北岸入祠中儼然坐上矣因爲重建此祠

山房隨筆一則

蕭平仲著

元遺山北方文雄也其妹爲女冠文而豔張平章嘗發欲娶之使人屬裕之辭以可否在妹以爲可則可張喜自往訪之覘其所向至則方自手補天花板輟而迎之張詢近日所作應聲荅曰補天手段暫施張不許纖塵落畫堂寄語新來雙燕子移巢別處覓雕梁張悚然而出

遺山先生集

補載

九

陽泉山莊

道園學古錄一則

虞集著

題程氏遺子元氏送女二詩云古君子將終則有啟手足之言非直示以神明不衰固以巫教也嫁女必有命嫁之詞非直情愛之鍾固以謹禮也河南侍御程公遺其子處士君之遺訓遺山先生送其女歸處士之嘉言蓋古道也處士君夫人上承兩家大人之傳以施諸子孫宜其文獻淵懿之不可及也

金石例一則

潘昂霄著

韓魏公祭式元遺山記其大略姑錄之古人書會祖皇祖皇考魏公易皇以顯字顯會祖顯會祖妣顯祖顯祖妣顯考顯妣妻先公曰顯嬪妻祭夫曰顯辟穆甫兄弟曰顯穆甫

四賢祠堂記一則

名臣事略引

初聶侯珪帥平定聞敬齋李公之名而賢之延至郡舍會遺山元公還太原過之爲數日留因追憶閑文獻二老作詩云百年喬木鬱蒼蒼耆舊風流趙與楊爲向榆關使君道郡中合有二賢堂聶侯起謝曰此珪志也方經始而聶侯卒至元二年到侯天祿繼守是州爲屋數楹置楊趙元李四公像于中以事之惟閑文獻以道德文章爲一代宗師皆在禮部翰林對持文柄時號楊趙遺山敬齋皆二公門下自南都時才已相埒北渡後嘗往來西州寓志于文字間更唱迭和世亦謂之元李海內之人識與不識往往誦其詩讀其書敬仰其人蓋所謂聞而不得見見而不得親者

說學齋稿一則 危素著

太行書院先賢祠記真定之屬縣獲鹿其里曰閭同國子件

遺山先生集 補載

予 陽泉山莊

讀高健實作太行書院以祠鄉先賢訪其遺像悉圖于壁間晉中書舍人賈公彜及其曾孫宋左僕射昌朝金太常丞蔡公珪左司員外郎元公好問國朝御史臺侍御史張德輝江南行省參知政事賈公居貞翰林學士承旨王公思廉元公雖世居太原嘗買宅于獲鹿其女 邑人故合祠于是又云蔡元兩公之奧學雄文震耀 王公之敦厚老成其學得于元公者固已盛傳于世

唐詩鼓吹序六則

趙孟頫云中書左丞郝公當遺山先生無恙時常從學詩公因人傳句釋使誦者見其指歸夫唐人之詩美矣非遺山不能盡去取之工遺山之意深矣非公不能發比興之蘊此政公惠後學之心亦遺山哀序是編之初意云至大元年九日

武乙昌云國初遺山元先生爲中州文物冠冕慨然當精選之筆自太白子美外柳子厚而下凡九十六家取其七言律之依于理而有益於性情者五百八十餘首名曰唐詩鼓吹如韶章舉于廣庭百音相宣而肅畿管籥實張其要眇也大戊申六月

盧摯云新齋郝公繼先注唐詩鼓吹集成命內翰姚公端父爲之序而屬摯跋于篇末唐詩鼓吹集者遺山先生元公裕之所作公幼受學遺山嘗以是集教之詩律公慨師承之有自故爲之注大德七年癸卯六月

楊慎丹鉛總錄云唐詩鼓吹以宋胡宿詩入唐選宿在宋史有傳文集今行于世所選諸詩在焉觀者不知其誤何邪鼓吹之選皆晚唐之取下者或疑非遺山觀此益知其僞也

遺山先生集

補載

三

陽泉山莊

錢氏重刻序云唐詩鼓吹十卷相傳爲元遺山選次或有斥爲假託以爲遺山集中無一語及此選而遺山本傳紀載闕如是固不能以無疑子諦觀此集探珠搜玉定出良工詰匠之手遺山之稱詩主于高華鴻朗激昂痛快其指意與此序符合當是遺山中箱篋衍吟賞紀錄好事者重公之名繕寫流傳名從主人遂以遺山傳也

陳霆兩山墨談唐詩鼓吹爲郝天挺箋注金有郝天挺者元遺山實師之史稱其早衰多疾厭于科舉不復充賦又云其爲人有崖岸耿耿自信寧困窮落魄終不一登豪富門然則此天挺乃金時隱逸也注鼓吹者署云中書左丞且謂嘗學于遺山之門然考諸元史其爲左丞在武宗時則知別一人也

王士正池北偶談金元間有兩郝天挺一爲遺山之師一爲遺山弟子子考元史郝經傳云其先潞州人徙澤州之陵川祖天挺字晉卿元裕之嘗從之學裕之謂經曰汝貌類祖才器非常者是也其一字繼先出於朶魯別族父和上拔都魯元太宗世多著武功天挺英爽剛直有志略受業於遺山元好問累拜河南行省平章政事追封冀國公諡文定爲皇慶名臣嘗脩雲南實錄五卷又註唐人鼓吹集十卷元時漢人賜號拔都惟史天澤張宏範見輟耕錄漢言勇也近常熟刻鼓吹集乃以爲隱逸傳之晉卿而致疑於趙文敏之序稱尙

書左丞又於尙書左丞上妄加金字誤甚

施國祁案是詩原本于金之郝天挺遺山撰墓銘云先生教之作詩卽此本也遺山復精選之以授元之郝天挺天挺因加注焉惟遺山不敢掠師之美而復嫌門弟子之名故集中無一語及之無可疑者卷中誤入宋胡宿等詩當

遺山先生集

補載

三

陽泉山莊

時南北隔絕或有未詳郝注于胡宿下不立小傳亦曲全之義也又集中太白少陵皆不入選緣遺山已有杜詩學一書而太白律詩甚少故也惜天一閱書日云遺山解注十卷刊本不及見而俗刻郝注殊陋至附廖氏解沈不隹

餘冬序錄二則

何孟春著

葉文莊水東日記謂元人文集如馬祖常元好問之卓卓今皆無傳春按元好問金人也金亡遂不仕爲遺山集四十卷今刻河南祖常有斥田集十卷今刻陝西

又元遺山作喬千戶輓詩素旗無詠記連姻用潘岳楊使君詠之素旗語喬元皆毛氏婿也集有聽喬女姨夫人鼓風入松一律白雪云云所謂姨女喬夫人蓋千戶之女也又有喬夫人綵繡仙人圖一絕綵服云云又題喬夫人墨竹二絕萬葉云云元自注夫人參洞下禪有省夫喬女明慧多藝如此

而陰教內範則未有聞豈不可惜元之詩如此豈復知名教者哉考郝經遺山墓銘載其女有爲女冠者今集中有貽女珍詩珠圍翠繞云云又足知遺山之家範矣

仲子集 胡翰著

服胡麻賦蘇文忠所作王子端所書詞翰非近人可比遭值兵火散逸不存今來太末復見此卷卷後有遺山題識以淵珠膏火之喻爲不可曉蓋金人傳寫誤以珠在淵作在淵珠也獨未審膏火所喻耳

歸田詩話一則 都穆著

元遺山在金末親見國家殘破詩多感愴如云高原水出山河改戰地風來草木腥花啼杜宇歸來血樹挂蒼龍蛻後鱗白骨又多兵死鬼青山元有地行仙燕南趙北非金土王後遺山先生集 補載
盧前總故人皆寓悲愴之意至云神功聖德三千牘大定明昌五十年不念前朝之盛亦可念也

鮑琦亭集外編一則 全祖望著

遺山之于金雖有爲崔立撰碑之累事由劫脅要其志節不可盡死也其力求脩金史亦思以效忠于金卒被阻而罷然其惓惓亦至矣惟是遺山以求脩史之故不能不委蛇于元之貴臣讀其碑版文字有爲諸佐命作者至加先太師先相先車平之稱以故國之逸民而致稱于新朝之佐命者如此則未免降且辱也遺山又致書耶律中令薦上故國之臣四十餘人勸其引進是非可以已而巳者耶願言呼諸子相從潁水濱昔人風節尙哉要之遺山祇成爲文章之士後世之蒙面異姓而託于國史以自脫者皆此等階之厲也嗚呼

宗社亾矣寧爲聖子所南之介不可爲遺山之通豈子之過
爲責備哉

復初齋文集一則 翁方綱著

右遺山先生涌金亭示同遊諸君子詩寸許正書詩內微茫
散煙螺可證集本蘿字之誤也後題云己酉清明日崧陽王
贊立石蓋補刻也先生宰內鄉在正大丁亥戊子間其宰南
陽則在辛卯郝伯常表墓謂初筮仕除鎮平令再轉內鄉遂
丁艱終喪正大中辟中州南陽令然先生鎮平縣齋感懷詩
有四十頭顱半白生之句先生年四十當正大六年己丑爲
罷內鄉之明年而郝序鎮平在內鄉之前誤也郝伯常生於
元光二年癸未當先生令內鄉時伯常方六歲宜其所記有
異辭矣 近日新刻陵川集本又說以內鄉在南陽之後大誤蘇門山陽皆縣名詩云山
遺山先生集 補載

二五 陽泉山莊

陽十月未搖落當是正大五年戊子冬罷內鄉出居縣東南
日與張仲經杜仲梁諸人相從紅梅盛開藉草嘯詠時也

甌北詩話五則 趙翼著

元遺山才不甚大書卷亦不甚多較之蘇陸自有大小之別
然正惟才不大書不多而專以精思銳筆清鍊而出故其廉
悍沈摯處較勝於蘇陸蓋生長雲朔其天稟本多英健豪傑
之氣又值金源亾國以宗社邱墟之感發爲慷慨悲歌有不
求而自工者此固地爲之也時爲之也同時李冶稱其律切
精深有豪放邁往之氣樂府則清雄頓挫用俗爲雅變故作
新得前輩不傳之妙郝經亦稱其歌謠跌宕挾幽并之氣高
視一世以五言雅爲工出奇於長句雜言揄揚新聲以寫怨
思金史本傳亦謂其奇崛而絕雕刻巧縟而謝綺麗是數說

者皆可得其真矣

蘇陸古體詩行墨間尙多排偶一則以肆其辨博一則以修其藻繪固才人之能事也遺山則專以單行絕無偶句構思言律則更沈摯悲涼自成聲調唐以來律詩之可歌可泣者少陵十數聯外絕無嗣響遺山則往往有之如車駕遁入歸德之白骨又多兵死鬼青山原有地行仙蛟龍豈是池中物蟻蝨空悲地上臣出京之只知壩上真兒戲誰謂神州竟陸沈送徐威卿之蕩蕩青天非向日蕭蕭春色是他鄉鎮州之只知終老歸唐土忽漫相看是楚囚日月盡隨天北轉古今誰見海西流還冠氏之千里關河高骨馬四更風雪短檠燈座主閑閑公諱日之贈官不暇如平日草詔空傳似奉天此

遺山先生集

補載

五

陽泉山莊

等感時觸事聲淚俱下千載後猶使讀者低徊不能置蓋事關家國尤易感人惜此等傑作集中亦不多見耳

郝經作遺山墓誌謂其詩共五千五百餘篇爲古樂府以寫新意者又百餘篇以今題爲樂府者又數十百篇是遺山詩共五千七百餘篇乃世罕有其全集今所存者惟康熙中無錫華希閔刻本魏學誠作序謂其購得善本而鈔之卷首載元初徐世隆李冶二序於元世祖仍擡起頂格是必仿元初初刻本然詩僅一千三百四十首則所存者祇五分之一而已豈元初嚴忠傑等初刻時卽爲刪節邪抑華氏翻刻時刪去邪竊意遺山詩既有五千六七百首則其遭遇國變感慨滄桑必更有許多傑作而今祇有此數豈不可惜哉又遺山修飾詞句本非所長而專以用意爲主意之所在上者可以

驚心動魄次亦沁人心脾今華氏刻本內第十三四卷率多
題畫絕句別無佳思而郝經所謂五千餘首者竟不得睹其
全矣不知世間尙有全集否當更求之

拗體七律如鄭縣亭子澗之濱獨立縹緲之飛樓之類杜少
陵集取多乃專用古體不諧平仄中唐以後則李商隱趙嘏
輩創爲一種以第三第五字平仄互易如溪雲初起日沈閣
山雨欲來風滿樓殘星幾點雁橫塞長笛一聲人倚樓之類
別有擊撞波折之致至元遺山又創一種拗在第五六字如
來時珥筆誇健訟去日攀車餘淚痕太行秀發眉宇見老阮
亾來樽俎間雞豚鄉社相勞苦花木禪房時往還肺腸未潰
猶可浩灰土已寒寧復燃市聲浩浩如欲沸世路悠悠殊未
涯冷猿挂夢山月暝老雁叫羣江渚深春波淡淡沙鳥漫野
遺山先生集 補載 三 陽泉山莊

色荒荒煙樹平青山兩岸多古木平地數峯如畫屏長虹夜
飲海欲竭老雁叫羣秋更哀東門太傅多祖道北闕詩人休
上書之類集中不可枚舉然後人習用者少

遺山複句取多如懷州城晚望少室云十年舊隱拋何處一
片傷心畫不成重九後一日作云重陽擬作登高賦一片傷
心畫不成題家山歸夢圖云卷中正有家山在一片傷心畫
不成雪香亭雜詠十五首內有云賦家正有蕪城筆一片傷
心畫不成元都觀桃花云人世難逢開口笑老夫聊發少年
狂同嚴公子東園賞梅云佳節屢從愁裏過老夫聊發少年
狂此日不足惜篇就令一朝便得八州督爭似高吟大醉窮
朝晡送李參軍詩內又有云就令一朝便得八州督爭似綵
衣起舞春斑襴桐川與仁卿飲一聯風流豈落正始後詩卷

長留天地間題梁都運所得故家無盡藏詩卷亦有此聯田
不伐望月婆羅門引云兩都秋色皆喬木三月阿房已焦土
存泯一首又云兩都秋色皆喬木一代名家不數人荅樂舜
咨云兩都喬木皆秋色耆舊風流有幾人東山四首有天公
老筆無今古枉著千金買范寬胡壽之待月軒詩又有天公
老筆無今古枉吟詩亦可人息軒秋江捕魚圖又有綠簑衣
底元眞子可是詩翁畫不成臺山十詠內有云惡惡不可惡
惡可未要雲門望太平贈劉君用可庵二首內一首云惡惡
不可惡惡可笑殺田家老瓦盆次首云惡惡不可惡惡可大
步寬行老死休寄希顏末句共舉一杯持兩螯送曹壽之平
水亦用此句作結此複句之取多者也

遺山先生集

補載

三

陽泉山莊

附存書目一則

續古今考九卷舊本題金元好問撰

案古今考未魏了翁撰非也

山左金石志二則

長清縣五峯山崔先生像贊石刻無年月碑刻虛靜真人畫
像上層像贊三首一爲元好問籀文一爲劉祁小篆一爲杜
仁傑八分

五峯山重脩洞眞觀碑定宗三年十一月立正書篆額文爲
元好問撰王萬慶書孔元措篆額史稱好問爲文有繩尺備
畧體今觀此碑平衍無出色處或託名爲之未題歲次戊申
爲定宗三年是年三月定宗崩碑立於十一月正朝廷議立
未決時也

寰宇訪碑錄七則

勿振碑 元好問撰張口正書貞祐四年正月 陝西乾州

陳仲謙墓誌銘 元好問撰正書正大二年 山西臨晉

涌金亭詩 元好問撰正書無年月 河南輝縣

五峯山崔先生像贊石刻 元好問等各體書無年月 山東長清

五峯山重脩洞真觀碑 元好問撰王萬慶正書定宗三年十一月 山東長清

金御史程震墓碑 元好問撰李徵正書中統四年七月 河南偃師

廉訪使楊奐神道碑 元好問撰姚燧正書中統五年四月 陝西乾州

山右碑目一則 吳式芬

元好問王構弔馮大來副使詩 行書無年月 平定州

題名三則

金石萃編曲阜題名太原元好問劉浚明京兆邢敏上谷劉

翊東光句龍瀛蕩陰張知剛汝陽楊雲鵬東平韓讓恭拜聖

遺山先生集 補載 天 陽泉山莊

祠遂奠林墓乙巳冬十二月望日謹題書凡八行行書左行

靈巖寺碑陰題名冠氏帥趙侯齊河帥劉侯率將佐來游好

問與焉丙申三月廿五日題凡五行行書

寰宇訪碑錄古陶禪院元好問題名行書大德六年在山西

陽曲縣又靈巖寺詩碑 圓照撰正書 上角有元好問游四字至元

三十一年十月在山東長清 案二題皆為後人補鐫者

帖印一則

墨緣彙觀墨搨定武五字損本蘭亭卷後押元遺山三字朱

文印卷末鮮于太常題云右定武蘭亭玉石刻甲余平生所

見者少況有內翰遺山先生圖記尤可寶也

施國祁元集箋注例言十四則

是集元刻為嚴忠傑中統壬戌本張德輝類次詩文共四十

卷前有李冶徐世隆二序後有杜仁傑王鶚二引書佚不得

見考徐序有評樂府語則新樂府五卷當併八刻或別自為

卷至明刻乃削去文淵閣書目十二冊菜竹堂目同絳雲樓目全集內閣藏書目四十卷季滄葦目傳

月樓日簡明目俱同儲氏附錄一卷內詩十四卷文廿六卷案國史經籍志云五十二卷乃耳食之說不足據

明刻為李叔淵宏治戊午本詩文仍四十卷有儲耀李叔淵

二序集中二十二卷元闕兩頁外附錄一卷乃儲氏從中州

等集採諸贈言訂入者何燕泉云遺山集今刻河南者即此

本也是書劉疏雨眠琴山館有之借校箋本如一卷出京詩注史院

得告歸嵩山寺下寺此豐山樓自古南鄭雄鄰此又移居

句運甕古城隈甕此作巖又句自信頗相慤相此又移居

天之媒孽此讒上又三十三卷差人不能給二人之食

差此作十又藏雲墓表再略蒲鮮鮮此作解集中藉以訂正者不

遺山先生集補載 无 陽泉山莊

可枚舉略指一二不備載

國朝刻為華希閔康熙庚寅年詩文仍四十卷古賦四首古

一百二十九首七古七十八首雜言三十六首樂府四十八首五律八十四首七律二百九十三首五絕二十五首六言

四首五七言一首七絕五百八十二首共一千二百八十首大抵祖中統而禰

宏治者仍載附錄一卷及李徐杜王四序引削去李儲兩序

而弁以魏學誠大字序外增附錄詩五首此刻盛行傳是樓

所藏查初白所評趙蓉江所易趙雲松所說皆是甲辰歲從

楊拙園夙好齋乞得卽小箋底本也

眠琴山館又藏元刻曹孟甫至元庚午本有段成巳序止詩

二十卷無文其詩亦一千二百八十首續採八十一首五古

首七古四首雜言三首樂府二首五律八首七律三十三首七絕一十九首此張德輝類次所遺

者三刻皆無今竝依類收入各卷後卽校箋本如三卷見古銅尊句

應是杜康祠下得是此又四卷贈岑疑作金荃怨曲欄院辭

欄此又天涯作自斷岸何緣此天姥此此又陵川西溪自己造仙

府自下此亦舉一二竝較今本殊勝藉以改正不少文淵閣

詩三冊全裝竹堂目同國史目云二十卷天一閣同汲古閣

目云八本附存書目云二十卷案此本與下黃選刻皆二十

卷未知諸目究係何刻又此集丹黃滿紙為西樵老人即

錢陸燦晚年評本如一卷箕山詩降衷均義稟西句直以腐

語抹去十二卷雪香亭金水街頭好墓田句以為唐張祐語

妙在山光二字若襲改作河頭則無殊評語頗中肯綮亦採

又從楊秋室假讀舊鈔元黃公紹至順庚午本詩二十卷僅

七百餘首樂府次首卷餘略同有余謙序蓋選本也其移居

八首注云元本止七首今仍之乃以故書堆滿牀句上接尚

有百本書句為一首豈知八首各用一韻無轉韻者誤也秋

室云此集七律不載岐陽七絕不載論詩棄取已失當他何

遺山先生集補載

論耶亮哉斯言

查初白詩評即華氏本如五卷送陳雪花茫茫揚白雪改雪

又七卷癸巳浮心白髮前改心又老樹改若不用若回家改若思

又八卷寄南餘歸計一塵新改南皆與舊本暗合惟三卷崇

寂寞來作由東鄰乃云由疑又半山半山亭前浙江水乃云

浙當作浙其謬處未免失檢至八卷上焉蚤樞老歸千里驥改蚤

及詳益甫本竟係阜字蓋因傳刻者訛阜為早而後校者復

改早為蚤沿誤至此又十四卷王五樹來禽拾放花改拾

詳益甫本乃是恰字亦因傳刻本訛恰作拾遂致改拾作十

去本字愈遠矣古書固因不校而訛亦有益校而益訛者初

白尚不免此

本集三卷荆棘中杏花詩亦見謝枋得八卷新野先主廟詩

十卷蜀昭烈廟詩亦見元明善清河集又顧亭詩春風碧水二語亦

見張希孟會波樓詩皆誤也惟別本有聞鶯五絕一首似為趙孟頫松雪齋

集誤入者故不收補

集詩失載者本集寒食靈泉宴集序有五古一首集小亨集

序有種松詩一卷有東游略記詩十首五卷游泰山一首十

無超化詩注引殘句集中州集五卷趙宜之書懷繼裕之韻

五古四首集次韻荅詩七律陰塵韻二首八卷上次陰韻一

塵韻一首注云寄張子純非與趙作六卷麻知幾松筦同裕之賦七古一首集

裕之以山游見招兼以詩為寄因仍其韻四首集無雷希顏同

裕之欽叔分韻得莫論二字五古二首集九日登少室絕頂

同裕之分韻得蘿字五古一首七卷有太室同武五律一首非九日作洛陽同

裕之欽叔賦七律一首九卷一首非和作次裕之韻兼及景元弟灰

遺山先生集補載陽泉山莊

韻七律一首九卷有示崔雷諸人詩而杯材韻不叶又此自指劉伯威劉景元同裕之水

谷分韻得荷風送香氣五絕五首注云深竹貯秋氣裕之語

集無穆案此先生新樂府句歸潛志引昆陽懷古句云英威未覺銷沈盡

猶向春陵望鬱蔥集靜修遺文季子田君表云有贈其子田

道童詩集歸田詩話引句云花啼杜宇歸來血樹掛蒼龍蛻

後鱗集無不知何人句以上皆失載者至庶齋老學叢談引贈張寓

齋句云汝伯年年髮如漆看渠著脚青雲平四卷示仲耽句圭齋集

送振先歸祖庭序引句云九原如可作我欲從歐陽居句香金十二卷移

藝林伐山引句云北去穹廬千萬里畫羅休縷麝香金十二卷移

十卷王仙翁句皆屬錯記若居易錄引句云濟南山水天下無乃于

欽句脩雲曉日開畫圖見齊乘更攷寰宇訪碑錄有湧金

亭詩刻在今河南輝縣者當卽

五卷示同游諸君作

又題超化寺詩刻

在今河南密縣者當卽

十一卷秋風煽煽作

本集中侯相雲溪圖題內載絕句一首賈氏千秋錄中口號

三首酒裏五言說中五古一首五詩皆不入題數元詩凡一

千二百八十首續探八十一首今補一首歸潛堂詩○穆補

首總一千三百六十二首郝銘所紀一千五百餘首合諸失

載篇什約有其數惟今華氏本所刊郝銘於一千五百之一

字訛作五字而雲松趙氏遂疑真有此數有更求全集之語

殆未及詳攷故邪

集文元闕者十五卷光武中興頌大司農箴二篇二十卷文儒武

君銘三十卷冲虛大師銘皆有銘無序二十卷教授常君銘七卷

完顏良佐碑皆有銘四十卷南陽上梁文脫拋梁詞六首

遺山先生集

補載

三

陽泉山莊

又墓誌如承旨子政御史仲寧尙書仲平大理德輝點檢阿

撒郎中道遠省講議仁卿西帥楊沃衍奉御他哥宰相子伯

祥節婦參政伯陽之夫人將軍長樂妻明秀凡十二篇皆漆

水公碑語今竝不存是也宏治刊本脫去者二十卷中順張君

碑脫一頁闕三百八十字銘詞後半闕兩行陽曲周君表脫一頁闕三十四

頁今補完見金石例補得一十七字是也

又先生文字散見他處自類次後未經收入者若漆水郡于

耶律公墓誌銘遼史百官志引其語尙書右丞耶律公神道碑文集中與成

仲書所云先相公碑二篇見元文類安肅郝氏塋碑文殘本見金石例

楊振碑文殘本見石刻意增五十大字傍注跋閑閑草書和擬韋詩後

見墨跡今已依類採補各卷後惟秋澗集云有題東坡與蒲

傳正四帖跋及寰宇訪碑錄所載陳仲謙墓誌銘正書正六年立

在今山西臨晉縣五峰山重修洞真觀碑王萬慶正書元定宗三年十月立

五峰山崔先生像贊石刻各體書無年月並在今山東長清縣者皆

無由採輯矣

嘗讀虞道園學古錄所載會異初墓銘云補注遺山詩一十

卷藏于家蓋古人已有先我而為之者第云補注則必有作

于前者又言藏于家則此注似未行世不得與李季章荆公注

施武子東坡注任子山山谷注等注並傳惜哉願茲末學乃從數

百年後劫灰盜竊之餘徵文攷事表而章之未知有當于先

正否

金源史事僻左自元及明止有浙本流傳絕少國史且然況

文人家集乎惟遺山先生詩文大家傑出金季為一代後勁

上接杜韓中揖歐蘇下開虞宋其精光浩氣有泐不可磨滅

遺山先生集

補載

三

陽泉山莊

者是以歷朝傳刻不絕第集中本事非他書取證不詳積年

以來遐搜博采自四史外如中州集續夷堅志歸潛志拙軒

集淦水集漳南集莊靖集鶴鳴集二妙集河汾諸老詩敬齋

古今薈及諸宋人

齊東野語庶齋老學叢談山房隨筆

元人湛然集還山遺藁東游記陵川雅秋

淵集玉堂嘉話丁亥集續集靜修遺詩文拾遺皇元風雅秋

文類名臣事略圭齋集牧庵集困學齋雜錄金臺集河朔詩

古記谷音雪樓集道周學古錄刻源集草廬集齊乘明人說

淵穎集輟耕錄樵溪集名儒草堂詩餘名山游記

齊稟潛溪集忠文集升庵集等書約十之一雜書又四百餘種不及備載

大半山館中物哀而箋釋之庶幾游覽贈答之篇慷慨歌謠

之作稍可攷見惟是屈平之悲楚澤庾信之哀江南古有關

疑未獲訂正況乎書多秘籍實難購募而已已寓災所鈔副

本又一炬而空其挂漏亦良多矣至于詩中故實不過諧俗

文字先生繁稱博引尤非儉腹所可及偶為友人懇懇復聚

書冊匆匆解注七月而成竊恐雲階月地載失周秦玉盃金
桃事迷紀傳不更貽笑于大方之家乎張半屏蔣枕山兩君
雅共商榷有意續補之謹識此以俟

先生手錄詩冊似不甚排當其間前後失次并有書追錄字
者大小不等已無例可沿及頤齋類次又將古今體分編願
竄尤甚是以鄙附箋注隨題載入悉遵舊本不敢言例

沈垚跋施箋二元詩一則

此我鄉老儒施北研先生之所著也先生又有遺山文集箋
注先生歿後蔣君枕山謀并刻之正欲鳩工枕山遽病卒卒
後垚雙至其家求先生遺書不可得先生孰于金源掌故所
著有金史詳校金源雜事詩詳校凡八鉅冊先生歿于蔣氏
遺書都在蔣家乃枕山遽逝而先生之書遂不可得見也斯
遺山先生集 補載
則重可慨矣枕山卒後詩集箋注亦不重刷印外間欲得是
書頗不易垚在都中屢致書友人謀再刷印以廣其傳卒不
得可歎也其金源雜事詩稿則藏在我友沈君柳橋處庚子
九月十六日烏程沈垚記于宣武門內之寓齋

陽泉山莊

